



讀書後志



伍



昭德先生郡齋讀書後志序



昭德先生校井氏書爲讀書志四卷番陽黎侯傳本于蜀刊之宜春郡齋且取希弁家所藏書刪其重複摭所未有益爲五卷別以讀書附志三衢游史君蜀人也亦以蜀本鈺諸梓乃衍而爲二十卷書加多焉蓋先生門人姚君應績所編也按先生自序余家自文元公來以翰墨顯者七世故家多書然自中原無事時已有火厄及兵戈之後尺素不存而杜君鵬舉所序扣之古松流水之間亦止於四卷則方其得南陽藏書時固未多也其殆三榮校讀之後網羅其家


散失哀彙漸夥或者先生續筆邪抑門人推廣其遺志也今考姚君所編杜序獨缺而不著而著先生自序有所謂合吾家舊藏得若干卷疑與尺素不存之語自相牴牾希弁摘取其所增入者凡四百三十五部總八千二百四十五卷往往皆晁氏之書請于郡而併刊焉然四卷既傳矣不敢以附志次其先自爲讀書後志二卷然後并晁二氏藏書之富其目大備希弁家三世所藏因以託不朽云郡侯命序梗槩于卷首至若二本所載并氏四卷之書其間有實同而名異此備而彼遺與夫分種入類之各不同又爲考

異于編末淳祐庚戌日南至江西漕貢進士秘書省校勘書籍趙希弁謹序

昭德先生郡齋讀書後志第一卷

經類

周易甘棠正義三十卷



右梁任正一撰以孔穎達爲本甘棠云者正一嘗爲陝州司馬故名其書

坤鑿度二卷

右題曰包羲氏先文軒轅氏演古籀文蒼頡修按隋唐志及崇文總目皆無之至元祐田氏書目始載焉當是國朝人依託爲之

周易緯稽覽圖二卷周易緯是類謀一卷周

易緯辨終備一卷周易緯乾元敘制記一卷

周易緯坤靈圖一卷易通驗卦二卷

右漢鄭玄注按隋志有鄭氏注易緯八卷唐志有宋均注易緯九卷李氏本注與隋志同卷數與唐志同家本蓋出李氏獨不載乾鑿度二卷而有乾元敘制一卷按後漢注七緯名亦無乾元敘制

周易開玄關一卷

右唐蘇鸚撰自序云五代祖晉官至吏部侍郎學兼天人嘗製八卦論為世所傳遭亂遺墜而編簡尚有存者鸚乃畧演其旨於此

周易流演五卷

右唐成玄英撰錯綜六十四卦演九宮以直年月日推國家之吉凶玄英道士也故道藏錄之或云釋仁英撰未知孰是

周易啟源一十卷

右蔡廣成撰李邕鄴云唐人田偉置于王昭素之下今從李說有德恒伯言德膚德翰四目皆作問對凡三十六篇

周易
陸秉意學十卷

右皇朝陸秉撰秉字端夫舊名東寶元二年以此書

奏御勅書嘉獎秉嘗通判蜀州首篇論易之名頗采參同契之說

邵古周易解五卷

右皇朝邵古天叟撰古雍之父也世本范陽治平初卒于洛年七十九其學先正音文云

代淵易論二十卷

右皇朝代淵撰國史藝文志有其目

徐庸易意縉一卷

右皇朝徐庸撰庸以春秋凡例易亦有之故著書九篇號意縉凡例總論其學祖劉牧陸秉云

祖徠先生周易五卷

右皇朝石介守道撰景迂云易古文十二篇先儒謂費直專以象象文言參解易爻以象象文言雜入卦中者自費氏始孔穎達云王輔嗣又分爻之象辭各附當爻則費氏初變古制時猶若今乾卦象象繫卦之末歟古經始變于費氏卒大亂於王弼惜哉今學者曾不之知也石守道亦曰孔子作象象於六爻之前小象係逐爻之下惟乾悉屬之於後者讓也嗚呼他人尚何責哉家本不見此文豈介後覺其誤改之歟

宋咸易訓三卷

易補正 王劉易辨

右皇朝宋咸撰咸自序云予既以補註易奏御而男億請餘義凡百餘篇端因以易訓名之蓋言不敢以傳世特教其子而巳頗論陸希聲劉牧鮮于侁得失云

橫渠易說十卷

右皇朝張載子厚撰載居橫渠故以名書其解甚畧

繫辭差詳

蘇光易辨

張弼易十卷

補正 字弼 元紹聖中

右皇朝張弼興化軍人章惇薦于朝賜號葆光處士

紹聖二年黃裳等再薦之詔以為福州司戶本州教

授其易學頗宗鄭氏

河圖解二卷

右皇朝康平撰凡五十二篇

王湜易學一卷

右皇朝王湜同州人早潛心於邵康節之學其序曰康節有云理有未見不可強求使通故愚於觀物篇之所得既推其所不疑又存其所可疑亦以先生之言自慎不敢輕其去取故也

兼山易解二卷

右郭忠孝撰忠孝字立之河南人頗明象數自謂得李挺之卦變論于陳子惠因亟讀有得焉靖康中持憲關右死于難故其書散落大半

孫莘老尚書解十三卷

右皇朝孫覺莘老撰覺任元祐至謂康王以喪服見諸侯為非禮蘇氏之說蓋本于此

毛詩辨疑一卷

右皇朝楊時中立撰一卷

開寶通禮二百卷

右皇朝劉溫叟等撰開寶中詔溫叟同李昉盧多遜

扈蒙楊昭儉賈黃中和峴陳諤損益開元禮為之附益以國朝新制

太常因革禮一百卷

右皇朝姚闢蘇洵撰嘉祐中歐陽修言禮院文書放軼請禮官編修六年用張洞奏以命闢洵至治平二年乃成詔賜以名李清臣云開寶已後三輯禮書推其要歸嘉祐尤悉然繁簡失中訛缺不補豈有拘而不得騁乎何植釀之甚也

郊廟禮文三十一卷

右皇朝楊完撰元豐初以郊廟禮文訛舛詔陳襄李

清臣王存黃履何洵直孫諤楊完就太常寺檢討歷代沿革以詔考其得失又命陸佃張璪詳定後以前後嘗進禮文獨令完編類五年成書奏御其書雖援據廣博而雜出衆手前後屢見繁猥爲甚云

周禮義辨疑一卷

右皇朝楊時中立撰

集謚總錄一卷

右皇朝孫緯撰春明退朝錄嘗集類國朝謚幾二百人緯任宗正寺丞由因宋氏之舊纂元豐已後遂得三百餘人自宗室宰相以下分爲九等其序畧云有

爵位已高當得謚而未聞者若范質呂餘慶韓崇訓王博文姜遵王沔是也

太常禮書一百五十卷

右皇朝陳祥道用之撰祥道元祐初以左宣義郎任太常博士解禮之名物且繪其象甚精博朝廷聞之給札繕寫奏御今世傳止五十卷予愛之而恨其缺少得是本於敘州通判盧彭年家其象目以五彩飾之於是始見其全書云

聲律要訣十卷

右唐上黨郡司馬田疇撰疇序謂一切樂器依律呂

之聲皆須本月真響若但執累黍之文則律呂陰陽不復諧矣故據經史參校短長爲此書云

琵琶故事一卷

右未詳何人所纂

教坊記一卷

右唐崔令欽撰開元中教坊特盛令欽記之率鄙俗事非有益於正樂也

皇祐樂記三卷

右皇朝胡瑗等撰皇祐二年下詔曰國初循用王朴樂太祖患其聲高令和峴減下一律然猶未全命瑗

同阮逸等二十餘人再定四年樂成奏之上御紫宸殿觀焉此其說也

范蜀公樂書一卷

右皇朝范鎮景仁撰景仁論樂宗房庶潛心四十餘年出私財鑄樂器元祐中奏御上之

樂府詩集一百卷

右皇朝郭茂倩編次取古今樂府分十二門郊廟歌辭十二燕射歌辭三鼓吹曲辭五橫吹曲辭五相和歌辭十八清商曲辭八舞曲歌辭五琴曲歌辭四雜曲歌辭十八近代歌辭四雜謠歌辭七新樂府詞十

一。通爲百卷。包括傳記辭曲畧無遺軼。

春秋經社六卷

右皇朝孫覺撰其學亦出於啖趙凡四十餘門論議頗嚴

春秋演聖統例二十卷

右皇朝丁副撰田偉書目副作嗣未知孰誤其序云經有例法一家所至較然重輕杜預釋例專左氏而未該唐陸淳纂例雖舉經而未備纖悉絳羅而咸在者其唯此書乎

春秋名號歸一圖一卷

右偽蜀馮繼先撰左氏所書人不但稱其名或字或號或爵謚多互見學者苦之繼先皆取以繫之名下云

帝王歷紀譜三卷

右題曰秦相荀卿撰載周末列國世家故一名春秋公子血脉圖頗多疎畧決非荀卿所著且卿未嘗相秦豈世別有一荀卿邪

皇侃論語十卷

右梁皇侃撰古今論語之注多矣何晏集七家復采古論語注爲集解行于世侃今又引衛瓘繆播樂肇

郭象蔡謨袁宏江惇蔡采李充孫綽周懷范甯王珉
凡十三家之說成此書其序稱江熙所集世謂其引
事雖時近詭異而援證精博爲後學所宗云

王令論語十卷

右皇朝王令逢原撰解堯曰篇云四海不困窮則天
祿不永終矣王安石書新義取之

呂與叔論語解十卷

右皇朝呂大臨撰大臨雖程正叔之徒解經不盡用
其師說

汪氏論語直解十卷

右皇朝汪革撰革字信民撫州人紹聖中試禮部爲
天下第一嘗語人曰吾鄉有二宰相一爲天下之福
一爲天下之禍蓋指晏元獻王荆公也卽此可見其
解經淵源所自云

經解類

六說五卷

右唐劉迅撰迅著書以擬六經此乃其敘篇唯易闕
而不言故止五卷云

匡謬正俗八卷

右唐顏籀師古撰以世俗之言多謬誤質諸經史刊

而正之永徽中其子揚庭上之

演聖通論四十九卷

右皇朝胡旦撰論六經傳注得失易十六卷書七卷詩十卷禮記十六卷而春秋論別行天聖中嘗獻于朝博辨精詳學者宗焉

小學類

爾雅音畧三卷

右偽蜀毋昭裔撰爾雅舊有釋智騫及陸朗釋文昭裔以一字有兩音或三音後生疑于呼讀今釋其文義最明者為定

小爾雅一卷

右孔氏古文也見于孔鮒書

急就章一卷

右漢史游撰唐顏師古注游元帝時為黃門令書凡三十二章雜記姓名諸物五官等字以教童蒙急就者謂字之難知者緩急可就而求焉自昔善小學者多書此故有皇象鍾繇衛夫人王羲之所書傳于世智永千字文一卷

右梁周興嗣撰釋智永所書

于祿字書一卷

右唐顏元孫纂以經史所用為正世所行為俗三者之間為通凡三體

林氏小說三卷

右唐林罕撰凡五百四十一字其說頗與許慎不同而互有得失邵必緣進禮記石經陞對仁宗顧問罕之書如何必曰雖有所長而微好怪說文歸字從堆從止從帚以堆為聲罕云從追於聲為近此長於許氏矣說文哭從卍後獄省罕乃云象犬嗥此怪也有石刻在成都公武嘗從數友就觀之其解字殊可駭笑者不疑好怪之論誠然

翰林禁經八卷

右唐李陽冰撰論書勢筆法所禁故以名書

墨藪十卷

右高陽許歸與編未詳何代人李氏書目止五卷而梁武評書王逸少筆勢論皆別出

臨池妙訣三卷

右未詳撰人後有江南李煜述書

古文四聲五卷

右皇朝夏竦撰博採古文奇字分四聲編次以便檢尋

周越書苑十五卷

右皇朝周越撰。越以善書名世。天聖八年四月成此書。奏御。故其序稱臣越。臣兄起於柳公權書。又云亡兄間稱名而不臣。似未精討論也。

唐藏經音義四卷

右未詳撰人。分四聲以類相從。蜀中印本也。

英公字源一卷

右皇朝釋夢英撰。夢英通篆籀之學。書偏旁五百三十九字。郭忠恕云。按說文字源。唯有五百四十部。子字合收在子部。今日錄妄有更改。又集解中誤收去。

部在注中。今點檢偏旁。少晶。𠂔。至。龜。弦。五字。故知林氏虛誕。誤後進。其小說可焚。夢英因書此以正之。柴禹錫爲立石。

唐氏字說解一百二十卷

右皇朝唐耜撰。紹聖以來。用字說程試。諸生解者甚衆。耜集成此書。頗注其用事所出。一時稱之。耜知邛州。日奏御。

史類

五代史一百五十卷

右皇朝薛居正等撰。開寶中詔修梁唐晉漢周書。盧

多遜扈蒙張澹李昉劉兼李穆李九齡同修居正監修

兩朝國史一百二十卷

右仁宗英宗兩朝國史也王珪等撰元豐五年六月甲寅奏御監修王珪史官蒲宗孟李清臣王存趙彥若曾肇賜銀絹有差蘇頌黃履林希蔡卞劉奉世以它職罷去吳充宋敏求前死皆有賜賚紀五卷志四十五卷比之實錄事迹頗多但非冠準而是丁謂託之神宗詔旨

編年類

帝王鏡畧一卷

右唐劉軻撰自開闢迄唐初帝王世次綴爲四言以訓童蒙僞蜀馮鑑續之至唐末

運曆圖六卷

右皇朝龔穎撰起於秦昭王滅周之歲乙巳止於國朝雍禧丁亥以歷代興亡大事附見其下四年獻於朝優詔獎之歐陽公嘗據之考正集古目錄稱其精博按晉史張軌世襲涼州如但稱愍帝建興年號其間唯張祚篡竊改建興四十二年爲和平元年始奉穆帝升平之朔始末不聞有改元事唯穎書載張寶

改元曰永安。張茂改元曰永元。張重華曰永樂。曰和平。張元龍曰太始。張天錫曰太清。張大豫曰鳳凰。不知穎何所據而言。或云出崔鴻十六國春秋。鴻書久不傳于世。莫得而考焉。

編年通載十五卷

右皇朝張衡撰。衡觀四部書。至古今纂輯運曆書十餘家。皆淺陋。植釀無足。紬繹乃編。歷代年號。貫以甲子。始于帝堯。訖于國朝。治平丁未。質之經史。資以傳記。百家之書。聖賢勳德。奸雄篡竊。及蠻夷盜賊。凡繫於存亡綱紀之大者。無不詳錄。總三千四百年。且刊正謬誤。如史記載舜年。虞書不同。漢紀載魏受漢禪。與魏志受禪壇碑各異之類。熙寧七年表獻之。

通鑑舉要曆八十卷

右皇朝司馬光撰。通鑑奏御之明日。輔臣亟請觀焉。神宗出而示之。每編始末。識以睿思。殿寶章蓋尊寵。其書如此。公尚患本書浩大。故爲舉要云。

寶曆歌一卷

右未詳撰人。以開闢太古。迄于周世宗正統。帝王世次。謚號成七言韻語一通。

歷代紀元賦一卷

右皇朝楊億撰次漢至五代正統年號爲賦一首又別爲宋頌四章

實錄類

唐高祖實錄二十卷

右唐房玄齡等撰太宗諡玄齡與許敬宗敬播同修起創業盡武德九年貞觀十七年書成

唐太宗實錄四十卷

右唐許敬宗等撰起卽位盡貞觀二十三年初貞觀十七年房玄齡許敬宗敬播撰今上實錄止十四年成二十卷永徽五年無忌與史臣續十五年後盡昭

陵事合四十卷其後敬宗改定

唐高宗實錄三十卷

右唐劉知幾等撰起卽位盡永淳二年凡二十九年初令狐德棻許敬宗等撰錄止顯慶三年成二十卷上之後知幾與吳兢續成

唐中宗實錄二十卷

右唐吳兢撰起神龍元年復位盡景龍四年凡六年唐睿宗實錄十卷

右唐劉知幾撰知幾與吳兢先修太上皇實錄起初誕止傳位凡四年後續修益止山陵

唐玄宗實錄一百卷

右唐元載等撰起卽位盡上元三年凡五十年安史之亂玄宗起居注亡大曆中史官令狐峒哀撥詔策備一朝之遺闕開元天寶間君臣事多漏畧

唐肅宗實錄三十卷

右唐元載等撰起卽位盡後元年凡六年

唐德宗實錄五十卷

右唐裴增等撰起卽位盡貞元二十一年凡二十五年元和二年詔蔣乂樊紳林寶韋處厚獨孤郁同修五年增上之

唐憲宗實錄四十卷

右唐路隋等撰起卽位盡元和十五年初穆宗長慶二年詔監修國史杜元穎與史官韋處厚路隋沈傳師鄭澣字文籍等修元和實錄未及成書太和四年隋與蘇景裔陳夷行李漢蔣係續成上之統例取捨皆出處厚焉

唐穆宗實錄二十卷

右唐路隋等撰起卽位盡長慶四年案文宗實錄太和四年隋與蘇景裔等上憲宗實錄後有王彥威楊漢公蘇滌裴休並爲史官云

唐文宗實錄四十卷

右唐魏謩等撰起卽位盡開成五年凡十四年宣宗大中八年史官蔣偕牛叢王諷盧吉同修

唐武宗實錄一卷

右唐韋保衡等撰武宗以後實錄皆亡今存止會昌元年正月二月

唐宣宗實錄三十卷懿宗實錄三十卷僖宗

實錄三十卷昭宗實錄三十卷哀宗實錄八

卷

右國朝宋敏求次道嘗補宣宗實錄二十卷懿宗實

懿宗實錄一作二十五卷

錄三十卷僖宗實錄二十卷昭宗實錄二十卷哀宗

實錄八卷通百二十八卷世服其博聞

蜀高祖實錄三十卷

右僞蜀李昊撰高祖者孟知祥也昊相知祥子昶時被命撰起唐咸通甲午終於僞明德元年甲午凡六十二年

太祖實錄三十卷

右皇朝沈倫撰太平興國三年詔李昉扈蒙李穆郭贄宋白董淳趙隣幾同修倫總其事更歷二載書成起創業迄山陵凡十七年淳化中王禹偁作篋中記

敘云太祖神聖文武曠世無倫自受命之後功德日新皆禹偁耳目所聞見今爲史臣多有諱忌而不書又上近取實錄入禁中親筆削之禹偁恐歲月浸久遺落不傳因編次十餘事按禹偁所言雖未可盡信然咸平祥符間亦以所書漏落一再命儒臣重修多所增益故有三本傳于世

綴廟實錄二十卷

右皇朝程俱撰先是汪藻編庚辰以來詔旨頗繁雜俱刪輯成此書且附以靖康建炎時事

雜史類

高氏小史一百二十卷

右唐高峻撰以司馬遷史至陳隋書附以唐實錄纂其要分十例爲六十卷後其子迥析而倍之

東觀奏記三卷

右唐裴廷裕撰昭宗時長安寇亂相仍自武宗以後日曆起居注散軼不存詔史臣撰宣懿僖三朝實錄廷裕次宣宗錄特採大中以來耳目聞見撰次此書奏記于監修杜讓能以備史閣討論云

桂苑叢談一卷

右題云馮翊子子休撰雜記唐朝雜事僖昭時當是

五代人邯鄲云姓嚴

耳目記二卷

右題云劉氏未詳何時人雜記唐末五代事

唐餘錄六十卷

右皇朝王皞奉詔撰皞芟五代舊史繁雜之文採諸家之說倣裴松之體附註之以本朝當承漢唐之盛五代則閏也故名之曰唐餘錄寶元二年上之溫公修通鑑間亦采之皞曾之弟

唐末汎聞錄五卷

右皇朝閻自若纂乾德中王普五代史成自若之父觀之謂自若曰唐末之事皆吾耳目所及與史冊異者多矣因話見聞故事命自若志之

五代補錄五卷

右皇朝陶岳撰祥符壬子岳以五季史書闕畧因書所聞得一百七事

呂夏卿兵志三卷

右皇朝呂夏卿撰公武得之于宇文時中季蒙題其後云夏卿修唐史別著兵志三篇自秘之戒其子弟勿妄傳鮑欽止吏部好藏書苦求得之其子無爲太守恭孫偶言及因懇借抄錄於吳興之山齋

龍飛日曆一卷

右皇朝趙普撰記顯德七年正月藝祖受禪事是年改元建隆二月普撰此書普時爲樞密學士

景命萬年錄一卷藝祖受禪錄一卷

右皆未詳撰人記趙氏世次藝祖歷試迄受禪事

金人背盟錄七卷圍城雜記一卷避戎夜話

一卷金國行程十卷南歸錄一卷朝野僉言

一卷

右皇朝汪藻編記金人叛契丹迄於宣和乙巳犯京城圍城雜記等五書皆記靖康時事也

偽史類

十國紀年四十二卷

右皇朝劉恕道原撰溫公序云渙之子也博學強記同修通鑑史事之紛錯難治者以諉恕宋次道知亳州家多書恕往借觀之目爲之瞋性剛介初與王安石善及改新法言其非遂與之絕卒年四十九所謂十國者一王蜀二孟蜀三吳四唐五吳越六閩七楚八南漢九荆南十北漢溫公又題其後云世稱路氏九國志在五代之史中最佳此書又過之以予考之長於考異同而拙於屬文其書國朝事皆曰宋而無

所隱諱意者各以其國為主耳

乘輅錄一卷

右皇朝路振子發撰振大中祥符初使契丹撰此書以獻事見其傳

雲南行紀二卷

右唐韋齊休撰齊休長慶三年從韋審規使雲南紀其往來道里及其見聞序謂雲南所以能為唐患者以開道越鴛耳若自黎州之南清溪關外盡斥棄之疆場可以無虞不然憂未艾也及唐之亡禍果由此本朝棄鶴州不守而遂無邊患以此論之則齊休之言可不謂善哉

至道雲南錄三卷

右皇朝辛怡顯撰蜀賊李順既平餘黨竄入雲南雷有終募怡顯招出之至道初歸因書其所歷成此書

南蠻錄十卷

右未詳撰人熙寧間交趾叛朝廷議討之或纂歷代南蠻事迹及便宜上之

西域志十二卷

右唐僧玄奘撰玄奘西遊天竺求佛書既歸記其所歷諸國風俗其自序云自黑嶺以西皆土著尚東左

君... 卷一
祗務田畜重財賄嫁娶無禮獨天竺則異別記於後
云或云多矣大德持寺僧辨機撰

夏國樞要二卷

右皇朝孫吳纂記夏虜兵屯會要土地肥磽井泉湧
澗谷粟窖藏會豪姓氏名位司存與夫城池之完缺
風俗之所尚編為兩帙上之于朝

石晉陷蕃記一卷

右皇朝范質撰質石晉末在翰林為出帝草降虜表
知其事為詳記少主初遷於黃龍府後居於建州凡
十八年而卒按契丹丙午歲入汴順數至甲子歲為

十八年實國朝太祖乾德二年也

虜廷雜記十卷

右契丹降人趙志忠撰記虜廷雜事始於阿保謹迄
邪律宗真李清臣云志忠仕虜為中書舍人得罪宗
真來歸上此書及契丹地圖言虜中事甚詳

史評類

史通析微十卷

右唐柳璨焰之撰璨以劉子玄史通妄誣聖哲評湯
之德為偽跡論桀之惡為厚誣謗周公云不臣褒武
庚以徇節其甚至於彈劾仲尼因討論其舛謬共成

五十篇。蕭統云：論則析理精微，故以為名。乾寧四年書成。唐史云：燦公綽族孫，少孤貧，好學。著史通，析微時或稱之起布衣，至為相，不四歲。按唐紀，相燦在天祐改元，則書成時猶未仕也。

歷代史贊論五十四卷

右未詳撰人。纂史記迄五代史臣讚論。

唐史音義三十卷

右未詳撰人。比寶氏書大畧同而稍簡，乃析為三十卷。

兩漢博聞十二卷

右皇朝楊侃纂景德中侃讀兩漢書，取其中名數前儒解釋為此書，以資涉獵者。侃嘗編職林矣，此亦其類也。

三劉漢書六卷

右皇朝劉敞原父，弟攸，貢父子奉世，仲馮撰。劉跂嘗跋其書尾云：余為學官亳州，故中書劉舍人貢父實為守從容，出所讀漢書示余，曰：欲作補注未能也。然卷中題識已多公之子方山亞父錄以相示也。

呂氏前漢論三十卷

右皇朝呂大忠晉伯撰，予得其本于銅梁令呂肇修。

撰汲公諸孫也

晉書指掌十二卷

右皇朝劉鼐編以晉書事實以類分六十五門

職官類

翰林雜志一卷

右不題撰人輯唐韋執誼故事元稹承旨壁記韋來微新樓記杜元穎監院使記鄭璘視草亭記并詩李宗諤題名記為一編或云蘇易簡子耆耒其父翰林續志所遺附益之

新御史臺記

右皇朝宋聖寵編崇寧中聖寵為察官續韓琬書咸用其規式所異者不為諸人立傳於儀制勅令格式為詳後人續至紹興九年

御史臺彈奏格一卷

右政和中御史中丞蔣猷奏乞委屬官李彌大將本臺制勅令格式彈奏事件編成格目六月書成上之

南宮故事一卷

右不題撰人韋述云開元中劉鄭蘭撰劉儒者無著述本

執政拜罷錄十卷

右不題撰人自建隆元年迄于紹興九年按國朝以樞密院及叅知政事爲執政改官制後以左右丞兩省侍郎并密院爲執政建炎三年後復用舊制云

百官公卿表一百四十二卷

右皇朝司馬光君實等撰熙寧中光以翰林學士兼史官修撰建議欲據國史旁採異聞敘宋興以來百官除拜劾漢書作表以便御覽詔許之光請宋敏求同修及敏求卒又請趙彥若繼之歷十二年書成奏御

中書備對十卷

右皇朝元豐三年畢仲衍承詔編次序曰周官所謂要會者正今日中書所宜有自漢至唐莫知議此今編成十卷凡一百二十五門附五十八事李清臣嘗與許將書云備對乃吳正憲公居宰路以聖問多出意表故令中書椽畢君爲之其時預有畫旨諸司遇取會不許濡滯如此尚歷數年迺就後雖有改革然事亦可槩見也

掖垣叢志二卷

右皇朝宋庠撰景祐中李宗諤始取國初掌誥名氏刻之于石自爲紀序庠因之成此書王禹玉頗譏其

疎畧。裴廷裕載舍人上事知印宰相壓角。至今傳之。
為故事。而庠書闕焉。時為三字。

掖垣續志一卷

右不詳撰人。續宋庠書。迄元祐六年十一月。陳軒試
中書舍人。

輔弼名對四十卷目錄一卷

右皇朝劉顏撰。纂西漢迄五代羣臣應對之名者。汲
黯有天子置公卿輔弼之臣。寧令從諛承意。陷主不
誼之言。顏取以名其書。天聖初。馮元為侍講。上之。顏
嘗為令坐事。免。由是詔復其官。

將作營造法式三十四卷

右皇朝李誠撰。熙寧初。勅將作監編修營造法式。誠
以為未備。乃考究經史。詢訪匠氏。以成此書。頒于列
郡。世謂喻皓木經。極為精詳。此書蓋過之。

儀注類

咸鎬故事一卷

右唐韋慎微撰。纂長安自元日至除夜。朝廷慶賀事。

景德會計錄六卷

右皇朝丁謂謂之撰。謂景德中。纂三司戶口稅賦之
入及兵食吏祿之費。會計天下每歲出納贏虧之數。

呂吉甫元祐國計圖之類也書成奏御

刑法類

金科易覽三卷

右崇文總目有唐趙綽金科易覽一卷田氏書目有蕭緒金科易覽三卷當是綽初撰一卷緒刪改析之爲三爾

天聖編勅三十卷

右天聖中宋庠龐籍受詔改修唐令參以今制而成凡二十一門官品一戶二祠三選舉四考課五軍防六衣服七儀制八鹵簿九公式十田十一賦十二倉

庫十三廐牧十四關市十五補亡十六疾醫十七獄官十八營繕十九喪葬二十雜二十一

元豐廣案二百卷

右皇朝元豐初置新科明法或類其所試成此書

刑統賦兩卷

右皇朝傅霖撰或人爲之注

決獄龜鑑二十卷

右皇朝鄭克編次五代和凝有疑獄集近時趙全有疑獄事類皆未詳盡克因增廣之依劉向晏子春秋舉其綱要爲之目錄分二十門計三百九十五事

律心四卷

右未詳撰人纂刑統綱要也

斷例四卷元豐斷例六卷

右皇朝王安石執政以後士大夫頗垂意律令此熙

豐紹聖中法寺決獄比也其六卷則元豐中法寺所斷罪節文也

地理類

山海經十八卷

右大禹製晉郭璞傳漢侍中奉車都尉劉秀校定表
言禹別九州而益等類物善惡著此書皆聖賢之遺
事古文明著者也。大父嘗考之於其書有曰長沙零

陵鴈門皆郡縣名又自載禹鯀似後人因其名參益
之

山海經圖十卷

右皇朝舒雅等撰雅仕江南韓熙載門人也後入朝
數預修書之選閩中刊行本或題曰張僧繇畫妄也
十道志十三卷

右唐梁載言撰唐分天下為十道所載頗詳博其書
多稱咸通中沿革載言蓋唐末人也

游城南記一卷

右皇朝張禮撰禮秦人元祐中與陳明微自長安城

南探奇訪古以抵樊川因次之爲記

太平寰宇志二百卷

右皇朝樂史等撰太平興國中盡平諸國天下一統
史悉取自古山經地志考正訛謬纂成此書上之于
朝

圖經

右皇朝李昉撰

洽聞記三卷

右唐鄭常撰雜記郡國舊事故附之地理類

職方機要四十卷

右不題撰人姓名序云本新舊九域志上據歷代史
旁取左氏水經通典且採舊聞參以小說黜繆舉真
紬成此書其間載政和間事蓋當時人也

傳記類

襄陽耆舊記五卷

右晉習鑿齒撰前載襄漢人物中載其山川城邑後
載其牧守隋經籍志曰耆舊記唐藝文志曰載舊傳
觀其書記錄叢脞非傳體也名當從經籍志云

高士傳十卷

右晉皇甫謐撰纂自陶唐至魏八代二千四百餘載

世士高節者其或以身徇名雖如夷齊兩龔皆不錄凡九十六人而東漢之士居三之一自古名節之盛議者獨推焉觀此尤信

孔子編年三卷

右皇朝孔傳取左氏國語公羊史記及他書所載孔子事以年次之自生至卒

東家雜記二卷

右皇朝孔傳換孔子四十七代孫也纂其家舊聞軼事于此書

翊聖保德傳三卷

右皇朝王欽若撰建隆初有神降于鳳翔民張守真家開寶末徵守真詣闕屬太宗踐祚封神翊聖將軍築宮于終南山祥符中詔欽若編次其事御爲製序引

登科記三十卷

右皇朝樂史撰記進士及諸科登名者起唐武德迄天祐末

唐制舉科目圖一卷

右不題撰人凡七十六科仕至宰相者七十二人唯劉蕡名最高而官最不達

宋登科記三卷

右皇朝登科人名氏未詳何人所撰

民表錄三卷

右皇朝胡納撰錄國朝循吏善政李淑以爲雖淺俗亦可備廣記云納瑗之父天聖中偕賢惠錄上之

賢惠錄三卷

右皇朝胡納撰錄國朝賢惠之女後一卷瑗嗣成之

萊公勳烈一卷

右皇朝寇宗奭編宗奭準之曾孫也編集仁宗祭準文及贈誥墓碑傳誌贊詩等爲此書

列仙傳二卷

右漢劉向撰

高僧傳十四卷

右蕭梁僧釋慧皎撰慧皎以劉義宣靈驗記陶潛搜神錄等數十家並書諸僧殊疎畧乃博采諸書咨訪古老起于永平十年終於天監十八年凡五百五十二載二百五十七人又附見者二百餘人分爲譯經義解神異習禪明律遺身誦經典福經師唱道十科續高僧傳三十卷

右唐僧道宣撰藝文志作道宗大明寺僧也以慧皎

會稽人故其書詳於吳越而畧於燕魏故上距梁天
監下終唐貞觀十九年百四十四載編載二百四十
人附見者又一百六十八人分釋經解義習禪明律護
法感通遺身讀誦與福雜科凡十門

比丘尼傳四卷

右蕭梁僧寶唱撰起晉升平訖梁天監得尼六十五
人為之傳以檢淨為首寶唱金陵人藝文志有其目
補江總白猿傳一卷

右不詳何人撰述梁大同末歐陽紇妻為猿所竊後
生子詢崇文目以為唐人惡詢者為之

綠珠傳一卷

右皇朝樂史撰

譜謀類

千姓編

右不著撰人

釋迦氏譜十卷

右唐釋僧祐撰僧祐以釋迦譜記雜見于經論覽亦
難通因纂成五卷又取內外族姓及弟子名氏附于
後

書目類

文選著作人名二卷

右唐常寶鼎撰纂文選所集文章著作人姓名鄉里氏行事及其述作之意

十三代史目三卷

右唐殷仲茂撰輯史記兩漢三國晉宋齊梁陳後魏北齊周隋史籍篇次名氏國朝杜鎬以唐五代書目續之

開元釋教錄三十卷

右唐僧智昇撰智昇在開元中纂釋氏諸書入中國歲月及翻譯者姓氏以楞嚴經為唐僧懷廸譯張天覺以懷廸與菩提流支同時流支後魏傳其言殆不可信也

成都刻石總目三帙

右皇朝劉涇撰元祐中蔡京帥成都以意授涇纂府縣碑板幢柱自東漢初平迄偽蜀廣政凡二百六十八

田氏書目六卷

右皇朝田鎬撰田偉居荆南家藏書幾三萬卷鎬偉之子也因成此目元祐中袁默為之序

羣書備檢十卷

右未詳撰人輯易書詩左氏公羊穀梁二禮論語孟子荀子揚子文中子史記兩漢三國志晉宋齊梁陳後周北齊隋新舊唐五代史書以備檢閱


八月二十五日兩牒校 鍾

昭德先生郡齋讀書後志第一卷

昭德先生郡齋讀書後志第二卷

子類

伊川孟子解十四卷



右皇朝程頤正叔撰頤居洛陽其門人號之為伊川先生云

百家孟子解十二卷

右集古今諸儒自裴日休至強至賈同百餘家解孟子成一編

王安石解孟子十四卷王雱解孟子十四卷許允成解孟子十四卷

右皇朝王安石介甫素喜孟子自爲之解其子雱與其門人許允成皆有注釋崇觀間場屋舉子宗之

點注孟子十四卷

右皇朝熙寧中蜀州張簡點節經注附以釋文以教童子

董子一卷

右周董無心撰皇朝吳秘注無心在戰國時著書闢墨子

說玄一卷

右唐王涯廣津撰涯始以貞元丙子終於元和己丑

二十六年間注太玄爲六卷今不之見獨此書行于世

凡五篇一明宗二立例三揲法四占法五辨首

宋惟幹太玄解十卷

右皇朝宋惟幹注惟幹嘗得太玄古本于昭應咸平中知滑臺取宋衷陸績范望三家訓解別爲之法仍作太玄宗旨兩篇附于後其學蓋師濟東田告司馬溫公所謂小宋者也

陳漸演玄十卷

右皇朝陳漸撰漸堯佐族子也國史有傳凡十四篇漸謂史以揚雄非聖人而作經猶吳楚僭王今按法

言解嘲止云太玄然則經非其自稱弟子侯芭之徒尊之耳

太玄淵旨一卷

右皇朝張揆撰

溫公集注太玄經十卷

右皇朝司馬光君實集漢宋衷解詁吳陸績釋文晉范望解贊唐王涯注經及首測宋惟幹通注陳漸演文吳秘音義七家為此書自慶曆至元豐凡三十年始成其直云宋者衷也小宋者惟幹也惟幹漸秘皆國朝人

溫公集注法言十三卷

右皇朝司馬光君實集晉李軌唐柳宗元國朝宋咸吳秘注光自言少好此書歷年已多今輒采諸家所長附以己意名曰集注凡觀書者當先正其文辨其音然後可以求其義故宋相公庠家有李祠部注本及音義最為精詳宋吳亦據李本而其文多異同今參以漢書取其通者以為定本先審其音乃解其義云

元經十卷

右隋王通撰唐薛收傳皇朝阮逸學起晉惠帝太熙

溫公誤字曰班固稱諸儒或談揚雄非聖人而作經猶春秋吳林之君借稱稱玉余亦私怪雄不於易而別為象易之道其於天人之復備矣而雄豈有以加之乃曰重為一書且不知其有所用之故亦不謂雄宜為

乎也及長此學易者其出與難知以為多者與者人之書枝枝易其美必深其文必易夫登於喬山者必踐于塊堦適滄海者必涉于江漢故厥先從事于象以漸進于易庶幾乎其可致而望也於是求之積年始得秘之初則冥澤漫漫不可入乃研精易慮居人事而細讀之數十過參以首尾稍得窺其梗概然後喟然置書嘆曰揚子之言直大儒者邪孔子沒後知聖人之道非子雲而後荀爽殆不足擬况

其餘乎。觀乎之書。明則極乎人。出則盡乎神。夫則包宇宙。細則入毛髮。合天地人之道。以為一。而其根本。亦人所出。胎育萬物。而兼為之。母若地。而後之。而不可窮。若海。挹之。而不可竭也。蓋天下之道。雖有善者。歲不易此矣。考之於渾元之初。而多已生。察之于當今。而多非不行。窮之于天地之末。而多不可止。叩之以萬物之情。而不漏。測之以鬼神之狀。而不違。察之以六經之言。而不悖。若使

聖人復生。視乎必釋。然而笑。以為得已之心矣。乃知乎者。以贊易也。非別為書。以易角。逐也。何款。固知之淺。而遇之深也。

元年終于陳亡。予從兄子逸。仕安康。嘗得其本歸。而示四父。四父讀至帝問哇鳴。哂其陋。曰。六籍奴婢之言。不為過。按崇文無其目。疑逸依託為之。

帝範一卷

右唐太宗撰。凡十二篇。今存者六篇。貞觀末著此書。以賜高宗。且曰。修身治國。備在其中。一旦不諱。更無所言矣。其末頗以汰侈自咎。以戒高宗。俾勿效也。殊不知閨門之內。慙德甚多。豈特汰侈而已哉。武后之立實有自來。不能身教。多言奚益。悲夫。

臣範二卷

右唐則天皇后武氏撰。範或作軌。武氏稱制時。嘗詔天下學者習之。尋廢。本十篇。今闕其下五篇。

法語二十卷

右南唐劉鸚撰。鸚甲戌歲擢南唐進士第。實開寶七年也。著書凡八十一篇。言治國立身之道。徐鉉為之序。

老子畧論一卷

右魏王弼撰。凡十有八章。景迂云。弼有得於老子。而無得於易。注易資於老子。而老子論無資於易。則其淺深之効可見矣。

太史公曰老子著書言
道德之意後人以其篇
首之文名上篇曰道下
篇曰德夫

溫公道德論述要兩卷

右皇朝司馬光撰光意謂道德連體不可偏舉故廢
道經德經之名而曰道德論墓誌載其目無名天地
之始有名萬物之母常無欲以觀其妙常有欲以觀
其微皆於無與有下斷句不與先儒同

呂氏老子注二卷

右皇朝呂大臨撰其意以老氏之學合有無謂之玄
以為道之所由出蓋至于命矣其言道體非獨智之
見孰能臻此求之終篇膠于聖人者蓋寡但不當以
聖知仁義為可絕棄耳

默希子注文子十二卷

右默希子者唐徐靈府自號也靈府謂文子周平王
時人

朱玄注文子十二卷

右唐朱玄注闕符言一篇或取默希注補焉

文如海莊子疏十卷

右唐文如海撰如海明皇時道士也以郭象注放乎
自然而絕學習失莊生之旨因再為之解凡九萬餘
言

呂吉甫注莊子十卷

右皇朝呂惠卿撰吉甫惠卿字也元豐七年先表進內篇餘續成之

王元澤注莊子十卷

右皇朝王雱撰元澤其字也

東坡廣成子解一卷

右皇朝蘇軾撰軾取莊子中黃帝問道於廣成子一章爲之解景迂嘗難之其序畧曰某晚玷先生薦賢中安敢與先生異論然先生許我不苟同翰墨具在

天機子一卷

右不著撰人凡二十五篇或曰一名陰符二十四

諸葛亮撰予觀其詞旨殆李筌所爲爾託之孔明也載道藏中

無能子三卷

右不著撰人唐光啟二年天子在褒寓三輔景氏舍成書三十篇述老莊自然之旨總目錄之於道家

四子治國樞四卷

右唐范乾九集四子謂莊子文子列子亢倉子其意以爲黃老之道內足以修身外足以治國周王得文子之言趙王納莊周之論皆能興邦致治故採其書有益治道者分爲二十門

風俗通義十卷

右漢應劭撰劭字仲遠奉之子篤學博覽多聞靈帝時舉孝廉仕至泰山太守撰風俗通以辨物名號釋時俗嫌疑文雖不典世服其洽聞

意林三卷

右唐馬總會元撰初梁穎川庾仲容取諸家書術數雜說凡一百七家抄其要語為三十卷總以其繁畧失中增損成三軸前有戴叔倫楊伯存兩序

格言五卷

右偽唐韓熙載叔言撰熙載以經濟自任乃著書二

十六篇論古今王霸之道以干李煜首言陽九百六之數及五運迭興事其驕雜如此有門生舒雅序

兩同書兩卷

右唐羅隱撰隱諱老子養生孔子訓世因本之著內外篇各五其曰兩同書者取兩者同出而異名之言也

物類相感志十卷

右皇朝僧贊寧撰采經籍傳記物類相感者志之分天地人物四門贊寧吳人以博物稱于世柳如京徐騎省與之遊或就質疑事楊文公歐陽文忠公亦皆

自序云風者天地有寒之暖地有陰陽泉亦有美惡草木有剛柔俗者含血之類象而生之千里不同風百里不同俗

知其名

王氏雜說十卷

右皇朝王安石介甫撰蔡京爲安石傳其畧曰自先王澤竭國異家殊由漢迄唐源流浸深宋興文物盛矣然不知道德性命之理安石奮乎百世之下追堯舜三代通乎晝夜陰陽所不能測而人於神初著雜說數萬言世謂其言與孟軻相上下於是天下之士始原道德之意窺性命之端云所謂雜說卽此書也以京之誇至如此且不知所謂通乎晝夜陰陽所不能測而入於神者爲何等語故著之

保生月錄一卷

右唐韋行規撰分十二月雜纂每月攝養種藝祈禳之術也李翱爲之序

輦下歲時記一卷

右唐李綽撰綽經黃巢之亂避地蠻隅偶記秦地盛事傳諸晚學云

國朝時令十二卷

右皇朝賈昌朝撰景祐初復禮記舊文其唐月令別行三年詔昌朝與丁度李淑采國朝律曆典禮百度昏曉中星祠祀配侑歲時施行約唐月令定爲時令

一卷以備宣讀後昌朝注爲十二卷奏上頒行

顧渚山記二卷

右唐陸羽撰羽與皎然朱放輩論茶以顧渚爲第一顧渚山在湖州吳王夫差顧望欲以爲都故以名山

呂惠卿建安茶記

右皇朝呂惠卿撰

聖宋茶論一卷

右徽宗御製

茶雜文一卷

右集古今詩文及茶者

竹譜一卷

右戴凱之撰凱之字慶預武昌人袁輯竹事四字一讀有韻類賦頌李邯鄲云未詳何代人

筍譜三卷

右皇朝僧惠崇撰

小說類

殷芸小說十卷

右宋殷芸撰述秦漢以來雜事予家本題曰劉餗李淑以爲非

玄怪錄十卷

書錄解題作續寧作

右唐牛僧孺撰僧孺爲宰相有聞於世而著此等書周秦行紀之謗蓋有以致之也

周秦行紀一卷

右唐牛僧孺自敘所遇異事賈黃中以爲韋瓘所撰瓘李德裕門人以此誣僧孺

鹿革事類三十卷鹿革文類三十卷

右節太平廣記事實成一編曰事類詩文成一編曰文類蔡蕃晉如所撰晉如博學通音律能屬文與十父相友善

鑒戒錄十卷

右後蜀何光遠撰字輝夫東海人唐證中纂輯唐以來君臣事迹可爲世鑒者前有劉曦度序李獻臣云不知何時人考之不詳也

歸田錄六卷

右皇朝李旼撰旼蜀人張詠客也與范鎮友善熙寧中致仕歸與門人賓客燕談袞袞忘倦門人請編錄之遂以該聞爲目又有雜詩十二篇係于後

開譚錄兩卷

右皇朝蘇耆撰舜卿之父也記五代以來雜事下帙多載馮道行義

古今前定錄二卷

右皇朝尹國均輯經史子集古今之人興衰窮達貴賤貧富死生壽夭與夫一動靜一語默一飲一啄定于前而形于夢兆于卜見于相貌應于讖記者凡一門以爲不知命而躁競者之戒至若裴度以陰德而致貴孫亮以陰譴而減齡之類又別爲二門使君子不以天廢人云

傅公嘉話一卷

右皇朝傅堯俞之子孫記堯俞之言行凡四十餘章獻簡堯俞謚也

曾公南遊記一卷

右曾公未詳何人當是公亮之孫也共十二章記國朝雜事

搢紳脞說二十卷

右皇朝張唐英君房撰君房博學通釋老善著書如名臣傳蜀檣杌雲笈七籤行于世者毋慮數百卷此書亦詳實

青箱雜記

右皇朝何處厚撰處厚發蔡確車蓋亭詩所記多失實成都置交子務起於寇瑊處厚乃以爲張詠他多

類此

緗素雜記十卷

右皇朝黃朝英撰所記二百事朝英建州人紹聖後舉子也為王安石之學者以贈之以芍藥為男淫女貽我握椒為女淫男前輩嘗以是為嗤朝英獨愛重之他可知也

褒善錄一卷

右皇朝王蕃撰嘉祐中巴縣簿黃靖國死而復蘇道其冥中所見廖生嘗傳之蕃刪取其要為此書

麗情集二十卷

右皇朝張君房唐英編古今情感事

天文曆算類

景祐乾象新書三卷

右崇文目有三十卷置之天文類今惟三卷

曆法一卷

右未詳撰人曆草也

刻漏圖一卷

右皇朝燕肅撰肅有巧思上蓮花漏法嘗知潼川有石刻存焉洛陽宋君者增損肅之法為此圖

五行類

廣古今五行志三十卷

右竇滔撰唐志有其目未詳何人纂五行變異敘其徵應蓋爲洪範之學者自古術數之學多矣言五行則本洪範言卜筮則本周易近時兩者之學殆絕而最盛于世者葬書相術五星祿命六壬遁甲星禽而巳然六壬之類足以推一時之吉凶星禽五星祿命相術之類足以推一身之吉凶葬書之類足以推一家之吉凶遁甲之類足以推一國之吉凶其所知若有遠近之異而或中或否不可盡信則一也且其說皆本於五行故同次之爲一類

青囊補注三卷

右晉郭璞撰世傳葬書之學皆云無出郭璞之右者今盛行多璞書也按璞傳載葬母事世傳蓋不誣矣璞未幾爲王敦所殺若謂禍福皆係於葬則璞不應擇凶地以取禍若謂禍福有定數或它有以致之則葬地不必擇矣嗚呼璞自用其術尚如此况後遵其遺書者乎

撥沙經一卷

右唐呂才撰地理書畫山水之形成圖蓋依託者

會元經二十四卷

右孫季邕撰未詳何代人集諸家相地書及其鄙陋無驗者成是書

五音地理新書三十卷

右唐僧一行撰以人姓五音驗八山三十八將吉凶之方其學今世不行

秤星經三卷

右不著撰人以日月五星羅喉計都紫炁月孛十一曜演十二宮宿度以推人貴賤壽夭休咎不知其術之所起或云天竺梵學也按洪範曰歲月日時無易百穀用成乂用明俊民用章家用平康月之從星則

以風雨冷州鳩曰武王伐殷歲在鶉火月在天駟一曰在析木之津辰在斗柄星在天竈以此言之五星之術其來尚矣蓋可以占國則可以占事可以占事則可以占人也然術家用日月五星以占吉凶又加以交初交中之神紫炁月孛之宿初中者交食之會亦可以意求惟氣字無稽而術家獨以為效且曰土木之餘氣五星之行土木最遲而為吉凶者久故有餘氣云

周易十二論一卷

右未詳撰人論日月五星直年以占吉凶

君齊讀書後元卷二
四
珞珠子疏五卷

右皇朝李全東方明撰

河圖天地二運賦一卷

右不著撰人論天地二運蓋三命書也崇文目以爲卜筮類

常陽經一卷

右崇文目題曰黃帝式用蓋六壬占卜術也

六壬要訣一卷

右未詳何人撰隋志載六壬之書兩種金鑿密記及五代史記頗言其驗今世龜筮道息而此術獨行

六壬課鈴一卷

右未詳何人所纂以六十甲子加十二時成七百二十課三傳入神以占吉凶

玉關歌一卷

右不題撰人六壬課訣也

三十二家相書三卷

右或集許負以下三十二家書成此編

月波洞中記一卷

右序稱唐任道遙得之於太白山月波洞石壁上凡九篇相形術也崇文目置之五行類

靈龜經一卷

右史蘇撰論龜兆之吉凶崇文目三卷

遁甲萬一訣一卷

右題云唐李靖所纂黃帝書按遁甲之書見於隋志凡一十三家則其學之來亦不在近世矣以休生傷杜景死驚開八門推國家之吉凶通其學者以爲有驗未之嘗試也

遁甲經一卷

右唐胡乾撰李氏書目亦云九天玄女術推九星八門三奇六儀之法

鮮鶚經十卷

右未詳撰人凡十門六十二章以星禽推知人之吉凶言其性情嗜好爲尤驗說者謂本神仙之訣也故此書載于道藏李邕鄆云羅浮山逍遙子撰

八神筮法二卷

右以八卦世分六十四卦每卦首必云子夏曰論易筮之吉凶

靈棊經二卷

右漢東方朔撰又云張良劉安未知孰是晉顏幼明宋何承天注有唐李遠敘歸來子以爲黃石公書豈

謂以授良者邪按南史載客從南來遺我良財寶貨珠璣金碗玉盃之餘則古之遺書也明矣凡一百二十卦皆有繇辭

紫堂訣三卷

右紫堂先生撰未詳何代人著紫垣十二星至隱曜總三百六十位分二十八舍附之以五星配十二辰以推人命之吉凶

兵類

郭元振安邊策三卷

右唐郭元振撰以總兵進攻聚眾退守不可無權謀乃著此書改舊題曰定遠安邊策

武經聖畧十五卷

右皇朝王洙撰寶元中西邊用兵朝廷講武備是時洙奉詔編祖宗任將用兵邊防事迹分十二門

武經總要四十卷

右皇朝曾公亮丁度撰康定中朝廷恐羣帥昧古今之學命公亮等采古兵法及本朝計謀方畧凡五年奏御制度五卷邊防五卷故事十五卷占候五卷御為製序

兵要望江南一卷

右題云黃石公以授張良者按其書雜占行軍吉凶
寓聲于望江南詞取其易記憶總目云武安軍左押
衙易靜撰蓋唐人也

倚馬立成法二卷

右唐李淳風撰兵行占候之書也淳風太宗時人而
此書起九宮法至貞元六年庚午假托以行其書爾
非淳風本旨也

類書類

古人姓氏相同錄一卷

右唐王光庭撰光庭中進士第

北堂書抄一百七十三卷

右唐虞世南撰世南仕隋爲秘書郎時鈔經史百家
之事以備用分八十部八百一類北堂者省之後堂
世南鈔書之所也家一百二十卷

集類一百卷

右唐劉綺莊撰綺莊毗陵人嘗爲蘇州崑山縣令家
多異書採摭事類分二十餘門凡五十餘萬言上之
于朝前有萬希序題云開元二十九年辛巳按綺莊
集有上白敏中啟疑非玄宗時人當攷

三教珠英三卷

右唐張昌宗等撰按唐志一千三百卷今所存者止此

備舉文言二十卷

右唐陸贄撰總四百五十餘門議者謂大類六帖而文辭過焉崇文總目中有之

小名錄三卷

右唐陸龜蒙撰龜蒙以末世有官名小名之別自秦至隋編而紀之至於神仙玉女之名婦人臧獲之字亦無棄焉龜蒙世稱其博然此書特雜取於史傳間爾無異聞也

備忘小抄十卷

右偽蜀文谷撰雜抄子史一千餘事以備遺忘其後題廣政三年廣政王衍號也

唐會要一百卷

右皇朝王溥撰初唐蘇冕敘高祖至德宗九朝沿革損益之制大中七年詔崔鉉等撰次德宗以來事至宣宗大中六年以續冕書溥又采宣宗以後事共成百卷建隆二年正月奏御詞簡禮備太祖覽而嘉之詔藏於史閣賜物有差

冊府元龜一千卷

右皇朝景德二年詔王欽若楊億修君臣事迹唯取六經子史不錄小說雜書至祥符六年書成上之凡三十一部有總序千一百四門有小序同修者十五人錢惟演杜鎬刁衍李維戚綸王希哲陳彭年姜輿宋貽陳越陳從易劉筠查道王曙夏竦初撰篇序諸儒皆作帝以體制不一遂擇李維錢惟演陳彭年劉筠夏竦等付楊億竄定賜今名爲序冠其首其音釋又命孫奭爲之

類要六十五卷

右皇朝晏殊纂分門輯經史子集事實以備修文之

用

禁殺錄一卷

右皇朝李象先纂元祐中象先集錄古今冥報事以爲殺戒

貨泉錄一卷

右皇朝陶岳撰記五代諸侯擅改錢幣之由幽州嶺南福建湖南江南五國

墨譜一卷

右皇朝董秉撰熙寧間人秉患世人徒知祖李之名而不知形模之異同製作之精悔故作圖以著其源

君... 三
流用補蘇易簡之闕文云

印格一卷

右皇朝晁克一撰。克一張文潛甥也。文潛嘗爲之序。其畧曰。克一旣好古印章。其父補之愛之尤篤。悉錄古今印璽之法。謂之圖書譜。自秦以來。變制異狀。皆能言其故。余頗愛其用心不移。致精于末務。使有傳焉。

蒙求三卷

右唐李瀚撰。纂經傳善惡事實類者。兩兩相比。爲韻語。取蒙卦童蒙求我之義。名其書。蓋以教學童云。

魯史分門屬類賦三卷

右皇朝楊筠撰。以左氏事類分十門。各爲律賦一篇。乾德四年。奏御。詔褒之。

仙苑編珠二卷

右唐王松年撰。取阮倉劉向葛洪所傳神仙。又取經記中梁以後神仙百二十八人。比事屬辭。効蒙求本體。爲是書。

國史對韻十二卷

右皇朝范鎮撰。吳仲庶嘗稱景仁憫諸後學。雖涉書傳。而問之。今代典故。則懵然不知。乃自太祖開基迄

于仁宗朝摭取事實可為規矩鑒戒者用韻編次之
卽此書也

孝悌類鑒七卷

右皇朝俞觀能摭取經史孝悌事成四言韻語

兩漢蒙求五卷唐史屬辭五卷南北史蒙求
十卷

右未詳撰人皆効李瀚也

雜藝術類

名畫見聞志六卷

右皇朝郭若虛撰若虛以張愛賓之畫絕筆永昌元

年因續之歷五代止國朝熙寧七年分敘論紀藝故

事近事四門乃看畫之綱領也

溫公投壺新格一卷

右皇朝司馬光君實撰舊有投壺格君實惡其多取

奇中者以為僥倖因盡改之

九章算經九卷

右未詳撰人者姓名或曰周公九章者一方田二算
粟三衰分四少廣五商功六均輸七盈不足八方程
九句股魏劉徽唐李淳風嘗為之注則此術起于漢
之前矣

求一算經一卷

右未詳撰人

溫公七國象碁一卷

右皇朝司馬光君實撰周秦韓魏趙楚齊燕實八國而云七者周室不與焉

葉子戲格一卷

右不著撰人世傳葉子婦人也撰此戲晚唐之時也

相鶴經一卷

右題曰浮丘公撰其傳云浮丘公授于王子晉後崔文子學道于子晉得其文藏于嵩山之石室淮南公

採藥得之乃傳于世

相馬經二卷

右伯樂撰

相馬經一卷

右未詳撰人述相馬法式并著馬之疾狀及治療之術李氏書目有之

皇帝醫相馬經三卷

右唐穆螽集伯樂王良等六家書成此編皇帝斥神農也

育駿方三卷

右未詳撰人相馬術及醫治畜牧之方

相牛經一卷

右序曰甯戚傳之百里奚漢世河西薛公得其書以相牛千百不失其一。至魏世高堂生又傳晉宣帝其後秘之細字薛公注也

醫家類

靈樞經九卷

右王冰謂此書卽漢志皇帝內經十八卷之九也或謂好事者于皇甫謐所集內經倉公論中抄出之名爲古書也未知孰是

丁德用注難經五卷

右皇朝丁德用注以楊玄操所演甚失大義因改正之經文隱奧者繪爲圖德用濟陽人嘉祐末其書始成

虞庶注難經五卷

右皇朝虞庶注庶仁壽人寓居漢嘉少爲儒已而棄其業習醫術爲此書以補呂楊所未盡黎泰辰治平間爲之序

金匱玉函經八卷

右漢張仲景撰晉王叔和集設答問雜病形證脉理

叅以療治之方仁宗朝王洙得于館中用之甚効合二百六十二方

仲景傷寒論十卷

右漢張仲景述晉王叔和撰次按名醫錄云仲景南陽人名機仲景其字也舉孝廉官至長沙太守以宗族二百餘口建安紀年以來未及十稔死者三之二而傷寒居其七乃著論二十二篇證外合三百九十七法一百一十二方善醫者或云仲景著傷寒論誠不刊之典然有大人之病而無嬰孺之患有北方之藥而無南方之治此其所闕者蓋陳蔡以南不可用柴胡白虎二湯治傷寒其言極有理

脉經三卷

右題云黃帝撰論脉之要凡二十一篇

脉訣一卷

右題曰王叔和皆歌訣鄙淺之言後人依託者然最行于世

雷公炮炙三卷

右宋雷斅撰胡洽重定述百藥性味炮熬煮炙之方其論多本之于乾寧晏先生斅稱內究守國安正公當是官名未詳

金寶鑑三卷

衛右魏嵩撰嵩仕至翰林博士崇文總目云不詳何代人述脉候徵驗要妙之理

通真子傷寒訣一卷

右題曰通真子而不著名氏用張長沙傷寒論爲歌詩以便覽者脉訣之類也

傷寒百問三卷

右題曰無求子大觀初所著書

運氣論奧三卷

右皇朝劉溫舒撰溫舒以素問氣運最爲治病之要

而答問紛採文辭古奧讀者難知因爲三十論七十二圖上于朝

脉粹一卷

右皇朝蕭世基撰世基嘗閱素問及歷代醫經患其難知因綴緝成一編治平中姚誼序之

存真圖一卷

右皇朝楊介編崇寧間泗州刑賊於市郡守李夷行遣醫并畫工往親決膜摘膏盲曲折圖之盡得纖悉介校以古書無少異者比歐希範五藏圖過之遠矣實有益醫家也王莽時捕得翟義黨王孫慶使太醫

尚方與巧屠共剝剝之量度五藏以竹筵導其脉知所終始云可以治病亦是此意

證類本草三十二卷

右皇朝唐慎微纂合兩本草為一書且集書傳所記單方附之于本條之下殊為詳博

子午經一卷

右題云扁鵲撰論鍼砭之要成歌詠蓋後人依託者

明堂針灸圖三卷

右題目黃帝論人身俞穴及灼灸禁忌

明堂者謂雷公問道黃帝授之故名云

點烙三十六黃經一卷

右不著撰人唐世書也國史補云自茗飲行于世人不復病黃痺

千金方三十卷

右唐孫思邈撰思邈博通經傳洞明醫術著用藥之方脉之訣針灸之穴禁架之法以至導引養生之要無不周悉後世或能窺其一二未有不為名醫者然議者頗恨其獨不知傷寒之數云

千金翼方三十卷

右唐孫思邈撰思邈著千金方復掇集遺軼以羽翼其書成一家之學林億等謂首之以藥錄次之以婦

人傷寒小兒養性辟穀退居補益雜病瘡癰色脉針灸而禁經終焉者皆有指意云

龍樹眼論三卷

右佛經龍樹大士者能治眼疾或假其說集治七十二種目病之方

寶藏暢微論三卷

右五代軒轅述撰青霞君作寶藏論三篇著變煉金石之訣既詳其未善因刊其謬誤增其缺漏以成是言故曰暢微時年九十實乾亨二年也

太平聖惠方一百卷

右太宗皇帝在潛邸日多蓄名方異術太平興國中內出親驗者千餘首乃詔醫局各上家傳方書命王懷隱王祐鄭彥陳昭遇校正編類各於篇首著其疾證淳化初書成御製序引

和劑局方十卷

右大觀中詔通醫刊正藥局方書閱歲書成校正七百八字增損七十餘方

養生必用方十六卷

右皇朝初虞世撰序謂古人醫經行於世者多矣所以別著者古方分劑爲今銖兩不侔用者頗難此方

其證易詳。其法易用。苟尋文爲治。雖不習之人。亦可無求於醫也。虞世本朝士。一日削髮爲僧。在襄陽與十父遊。從甚密。

嬰童寶鏡十卷

右題曰栖真子。不著姓名。錄世行應驗方。成此書。

小兒靈秘方十三卷

右不題撰人。辨小兒疾證及治療之方。多爲歌訣。

傷寒證治三卷

右皇朝王實編。實謂百病之急。無踰傷寒。故畧舉病名法。及世名醫之言。爲十三篇。總方百四十六首。或

云潁川人。官至外郎。龐安常之高弟也。

小兒玉訣一卷

右未詳撰人名氏。爲韻語以記小兒疾證治法。凡二十三。

孫尚秘寶十卷

右皇朝孫尚撰。呂惠卿帥邊日。尚之子在屬部。因取此書。刻板傳于世。

楊子護命方五卷。通神論十四卷。

右皇朝楊退修撰。退修以岐伯論五運六氣以治疾。病後世通之者。唯王砥一人而已。然猶於遷變行度。

莫知其始終次序故著此方論云

道書類

大洞真經一卷

右題云高上虛皇君等道書三十七章晉永和上清紫微元君降授于王夫人是上清高法道藏書六部一曰大洞真部二曰靈寶洞元部三曰太上洞神部四曰太真部五曰太清部六曰正一部邯鄲李氏道書志四類一曰經誥類二曰傳錄類三曰丹藥類四曰符篆類皆以此書爲之首然唐志不載故以次度人經云

西昇經四卷

右題曰太上真人尹君紀錄老子將遊西域旣爲關令尹喜說五千言又畱秘旨凡三十六章喜述之爲此經其首稱老君西昇聞道竺乾有古先生是以就道說者以古先生佛也事見廣洪明集辯惑論

韋注西昇經二卷

右梁道士韋處玄分上下經上經三七法天之陽數分二十一章下經四七法地之陰數總四十九章象大衍用數云唐志稱處玄集解以聞道竺乾爲經道竺乾以古先生爲老子自謂

洞玄注西昇經四卷

右唐洞玄子注其姓名未詳唐志有戴詵注西昇經疑此或詵書也分三十六章謂竺乾古先生非釋氏之號云

徐注西昇經二卷

右徐道邈撰句曲人未詳何代其本以有古先生善入無爲作善入泥丸古先生者吾之師也化乎竺乾作吾之身也化胡竺乾云

步虛經一卷

右太極真人傳左仙公其章皆高仙上聖朝玄都玉

京飛巡虛空之所諷詠故曰步虛

定觀經一卷

右題云天尊授左玄真人述定心惠觀等修故以爲名云

老子化胡經十卷

右魏明帝爲之序經言老子歸崑崙化胡次授蜀賓後及天竺按裴松之三國志注言世稱老子西入流沙化胡成佛其說蓋起于此議化胡經八狀附于後唐志云萬歲通天元年僧惠澄上言乞毀老子化胡經秋官侍郎劉如璿等議狀證其非僞此是也

太清經一卷

右太清護命靈文金闕上真按付修道之士可以除邪治病云

登真隱訣二十五卷

右梁陶弘景撰景以爲學其訣者當由階而登真文多隱非訣莫登故以名書凡七篇十七條隋志云

雲笈七籤一百二十卷

右皇朝張君房等纂君房祥符中謫官寧海時聖祖降朝廷盡以秘閣道書付杭州俾戚綸陳堯臣校正綸等同王欽若薦君房專其事君房詮次得四千五

百六十五卷於是掇其蘊奧總萬餘條成是書仁宗時上之

張隨注參同契三卷

右皇朝張隨皇祐中居青城山注魏伯陽之書列十數圖于其後

參同契太易圖一卷

右不題撰人論周天火候有太易太初太始太素太極四象五行等二十四篇并圖按崇文總目云張處撰而李獻臣以爲天老神君撰雲常子張處序亦名至藥丹訣未知孰是

混元內外鑒二卷延壽經一卷附

右混元謂老子也亦導引之術內篇八外篇二

玉皇聖胎神用訣一卷

右玉皇訣云野人郎肇注

太上說魂魄經二卷

右題曰老子撰載三魂七魄名字形狀好惡以咒術存制之崇文題曰太上靈書李氏亦有其目

無上秘要九十五卷

右題曰元始天尊說藝文志止七十二卷不知何時析出二十三通也

葛仙翁胎息術一卷

右仙翁葛洪也

太清服氣口訣一卷太起經一卷閉氣法一

卷太上指南歌一卷

右四書皆題曰老子撰服氣訣也

食氣經一卷

右太皇子撰未詳李邯鄲云似雜集之書

道引養生圖一卷

右梁陶弘景撰分三十六勢如鴻鶴徘徊鴛鸞戢羽之類各繪像于其上田偉家本少八勢

天真皇人九仙經一卷

右天真皇人爲黃帝說一行羅公遠葉法靜注論水火龍虎造金丹之術崇文書也按九仙經與廢記云此經黃帝留我眉山石壁漢武帝時得之大中嘗禁絕

陰府內丹經一卷

右題曰老子說

日月玄樞論一卷

右唐劉知古撰明皇朝爲綿州昌明令時詔求通丹藥之士知古謂神仙大藥無出參同契因著論上于

朝

大還丹契秘圖一卷

右草衣洞真子玄撰凡三十章大還丹者乃日月精氣之所致也論火候則以朔望爲據記藥物則以鉛汞爲名云

釋書類

華嚴經合論一百二十卷

右按纂靈記云華嚴大經龍宮有三本佛滅度後六百年有龍樹菩薩入龍宮誦下本十萬偈四十八品流傳天竺晉有沙門支法領得下本分三萬六千偈

至此土義熙十四年譯成六十卷唐證聖元年于闐沙門喜學再譯舊文兼補諸闕通舊總四萬五千頌成八十卷三十九品合論者唐李通玄所撰通玄太原人宗室子也當武后時隱居不仕舊學佛者皆曰佛說此經時居七處九會獨通玄以爲十處十會云
華嚴經清涼疏一百五十卷

右唐僧澄觀撰澄觀居清涼山號清涼國師卽韓愈贈之詩者文元公有言曰明法身之體者莫辨於楞嚴明法身之用者莫辨於華嚴學佛者以爲不刊之論

華嚴經畧一卷

右唐僧澄觀撰澄觀旣訶華嚴又撮其大意爲此凡四十二章

華嚴起信文一卷

右唐僧善攷撰善攷潭州太平寺僧也每品一章撮其大指凡三十九章

華嚴百門義海兩卷

右唐僧法藏撰法藏長安崇福寺僧也分十章

華嚴奧旨一卷

右唐僧法藏撰文曰妄盡還源觀凡六門

法界披雲集一卷

右皇朝僧道通述杜順纂華嚴經義撰法界觀道通又分十玄門

華嚴吞海集一卷

右皇朝僧道通述華嚴經七處九會二十九品五萬四千偈其文浩博澄觀爲之疏尤難觀覽道通約之成萬三千言以便初學

法華言句二十卷

右唐僧智顛撰智顛居天台山號天台教五代兵亂其書亡錢俶聞高麗有本厚賂因賈人求得之至今

盛行於江浙

禪宗金剛經解一卷

右皇朝安保衡採摭禪宗自達磨而下發明是經者參釋之序稱其有言涉修證者北宗法門也舉心卽佛者江西法門也無法無物本來如是者曹溪法門也

建中靖國續燈錄三十卷

右皇朝僧惟白編惟白靖康初住法雲寺駙馬都尉張敦禮以其書上于朝徽宗爲之序分正宗對機拈古頌古偈頌五門

古塔主語錄三卷

右皇朝僧道古撰范文正喜之嘗親爲疏請說法有云道行無玷孤風絕攀時以爲非溢美也

碧巖集十卷

右皇朝僧克勤解雪竇頌古名曰碧巖集

觀心論一卷

右魏菩提達磨撰

百法論一卷

右唐僧玄奘譯西域僧天親所造所謂一切法者其畧有語一心法二心所有法三色法四心不相應行

法五無爲法心法八種心所有法五十一種色法十
一種心不相應行法二十四種無爲法六種故曰百
法

起信論一卷

右唐僧宗密注僧真諦譯天竺第十二祖馬鳴大士所造也雖云名相蓋明心宗指義玄微文辭明緻故盛行于世若肇論百法唯識及此學者皆顯門名家故藏中所收亦錄于此

辨正論八卷

右唐釋法琳撰潁川陳良序云法琳姓陳關中人著

此書窮釋老之教源極品藻之名理宣和中以其斥老子語焚毀其第二第四第五第六第八凡五卷序文亦有剪棄者

破邪論二卷

右唐釋法琳撰辨佛奕所排毀虞世南爲之序

甄正論二卷

右唐釋法琳撰已上二書皆經宣和焚毀藏中多闕故錄之

輔教編五卷

右皇朝僧契嵩撰藤州人皇祐間以世儒多詆釋氏

之道因著此書廣引經籍以證三家一致輔相其教云

幕府燕閒錄十卷

右皇朝畢仲詢景儒撰仲詢元豐初爲嵐州推官纂當代怪奇可喜之事爲二十門

羣書古鑑一卷

右未詳何人所撰熙寧間集書史中相術驗者

稗官志一卷

右皇朝呂大辨撰雜記其所聞前言往行

師友談記一卷

右皇朝李薦方叔撰多記蘇子瞻范純夫及四學士所談論故曰師友

龍川畧志六卷龍川別志四卷

右皇朝蘇轍撰元符二年夏居循州杜門閉目追惟平昔使其子遠書之于紙凡四十事其秋復記四十七事龍川循州地名

天文卜算類

司天考古星通玄寶鏡一卷

右題曰巫咸氏皇朝太平興國中詔天下知星者詣京師未幾至者百許人坐私習天文或誅或配隸海

島由是星曆之學殆絕故予所藏書中亦無幾姑衷數種以備數云

甘石星經一卷

右漢甘公石申撰以日月五星三垣二十八宿恒星圖象次含有占訣以候休咎

合元萬分曆一卷

右唐曹氏撰未知其名曆元起唐高宗顯慶五年庚申蓋民間所行小曆也本天竺曆為法李獻臣云

集聖曆一卷

右皇朝楊可撰推神物所向擇日辰吉凶應用之法

可久為司天冬官正輯古今陰陽書彙為四時以消擇日辰云

步天歌一卷

右未詳撰人二十八舍歌也三垣頌五星凌犯賦附于後或云唐王希明撰自號丹元子

五行類

八五經三卷

右序云黃帝書八五謂八卦五行雖後人依託者而其辭亦馴雅相墓書也

青囊本旨一卷

右不記撰人演郭璞相墓青囊經也

洞林別訣一卷

右江南范越鳳集郭璞所記諸家地里得失為此書二十四篇并司空珏尋龍入式歌附

珞琰子三命賦一卷

右李獻臣云珞琰者取珞珞如玉琰琰如石之義推人生吉凶否泰之法

李虛中命書三卷

右唐李虛中撰虛中字常容姓纂云同之八代孫學最深於五行書壽夭貴賤利不利輒先處其年時萬不失一韓愈言同為虛中十一世祖誤也

五命秘訣一卷

箕子曰五行水火木金土禹曰辛壬癸甲則甲子五術行之名起于堯舜二代之時矣鄭氏釋天命謂性曰謂木神則仁金神則義之類又釋我名在曰謂木物之土山必以五行甲子推知陰休咎否泰其其傳者史記才謂起于司馬季主及王充其言淺近然才亦欲建祿三刑劫煞建德空亡旬後凶害驛馬之類

呂才葬篇以六說詰其不驗且云世人以為葬巫所欺志辨誦葬委以期徽幸由日相望隴希官爵擇時日規財利誠哉日主之意

皆今世三命之術也。在才之前矣。由是觀之。視他術獨遠。且小運之法。身本于說。文已字之訓。空虛之術。存于史記。孤虛之術。名有所自。未敢精于其說者。以發奇中最多。

右皇朝林開撰三命之術年月日支干也加以時胎故曰五命

占燈法一卷

右皇朝李淳風撰崇文總目亦有之

觀燈法一卷

右唐李淳風撰

袖中記一卷

右皇朝李唐濬撰辨人形色知其壽夭吉凶

集聖曆四卷重見

右皇朝楊可集可為司天冬官正輯古今陰陽書彙

為四時以涓擇日辰云

兵家類

六韜六卷

右周呂望撰案漢藝文志無此書梁隋唐始著錄分文武龍虎豹犬六目兵家權謀之書也

魏武注孫子一卷

右吳孫武撰魏武帝注按藝文志孫子兵法八十二

篇今魏武所注止十三篇杜牧以為武書數十萬言

魏武削其繁剩筆其精粹成此書云其序畧曰吾讀

兵書戰策多矣武所著深矣

元非中。以六韜。孫子。吳子。司馬法。黃石公。三畧。李衛公。問對。欽武。與今習之。第七書云。揚兵。法。漢成帝。命任宏。分權謀。刑勢。陰陽。技巧。為四種。今有卜筮。政刑。之說。蓋在四種之外矣。

李筌注孫子三卷

右唐李筌注以魏武所解多誤約歷代史依遁甲注成三卷

杜牧注孫子三卷

右唐杜牧注以武書大畧用仁義使機權曹公所注解十不釋一蓋惜其所得自爲新書爾因備注之世謂牧慨然最喜論兵欲試而不得者其學能道春秋戰國時事甚博而詳知兵者有取焉

陳皞注孫子三卷

右唐陳皞撰皞以曹公注隱微杜牧注濶疎重爲之

注云

紀燮集注孫子三卷

右唐紀燮集唐孟氏賈林杜佑三家所解

梅聖俞注孫子三卷

右皇朝梅堯臣聖俞注歐公爲之序

王皙注孫子三卷

右皇朝王皙撰皙以古本校正闕誤又爲之注仁廟時天下久承平人不習兵元昊旣叛邊將數敗朝廷頗訪知兵者士大夫人人言兵矣故本朝注解孫武書者大抵皆當時人也

何氏注孫子三卷

右不題姓氏近代人也

吳子三卷

右魏吳起撰言兵家機權法制之說唐陸希聲類次為之說料敵治兵論將變化勵士凡六篇云

司馬法三卷

右齊司馬穰苴撰威王使大夫追論古者司馬兵法而附穰苴於其中因號司馬穰苴兵法司馬遷謂其書闕廓深遠雖三代征伐未能竟其義如其文近亦少褒矣穰苴為區區小國行師何暇及司馬兵法之

指讓乎

黃石公三畧三卷

右題曰黃石公上中下三畧其書論用兵機權之妙嚴明之決明妙審決軍可以死易生國可以存易亡經籍志云下邳神人撰世傳此即地上老人以一編書授漢張良者

尉繚子五卷

右尉繚子未詳何人書主刑法兵戰按漢藝文志有二十九篇今逸五篇首篇稱梁惠王問意者魏人與張橫渠注尉繚子一卷

早年著書漢兵後漢范
文正王文正愛其才勸其
學儒載感悟始改業
此殆少作也

此數語乃前六韜條
內誤入

右皇朝張載撰其辭甚簡畧

李衛公對問三卷

右唐李靖對太宗問兵事元豐中并六韜孫吳三畧尉繚子司馬兵法類為一書頒之武學名曰七書史臣謂李靖兵法世無完書畧見於通典今對問出於阮逸家或云逸因杜氏附益之

李臨淮武記一卷

右唐李光弼撰其書凡一百二章末云呂望智廓而遠孫武思幽而密黃石寬而重斷吳起嚴而貴勇墨翟守而無攻老聃勝而不美今擇其精要雜以愚識

為一家之書題曰統軍靈轄寶秘策或云光弼從事

張參所纂

人事軍律三卷

右皇朝符彥卿撰其序稱言兵者多雜以陰陽殊不知往亡宋捷甲子胡興鷲入梟集翻成吉兆故此但述人事云或以為唐燕僧利正撰當考之

庾袞保聚圖一卷

右晉庾袞撰袞字叔褒西晉末保禹山張泓張昌不能他所全活者毋慮數百萬元康三年己酉因撰保聚壘議二十篇

考書考友傳載袞字
州袞晉王圖之倡義也
張泓等掠陽翟袞率
眾保禹山泓昌不能他
此書序云大如西晉末
時元康三年己酉因撰

保野畧謀二十篇揚國
之起兵也惠帝永寧元
年也帝遷長安永興
元年也皆在元康後且
三年歲次實癸丑今
云己酉皆誤

武侯十六策一卷

右蜀諸葛亮孔明撰序稱謹進便宜十六事一治國
二君臣三視聽四納言五察疑六治民七舉措八考
黜九治軍十賞罰十一喜怒十二治亂十三教令十
四斬斷十五思慮十六陰察陳壽錄孔明書不載此
策疑依託者

神武秘畧十卷

右皇朝仁宗御撰纂古今兵書戰策及舊史成敗之
迹類權謀形勢陰陽技巧凡四門三十篇

左氏要類

右皇朝韓迪撰纂左氏兵事凡五十門

類書類

同姓名錄三卷

右梁元帝撰纂類歷代同姓名人成書一卷唐陸善
經續增廣之

初學記三十卷

右唐徐堅等撰初張說類集事要以教諸王開元中
詔堅與韋述余欽施本張烜李銑孫季良分門撰次

藝文類聚一百卷

右唐歐陽詢等撰分門類事兼采前世賦詩銘頌文

齊梁間士大夫之俗
喜徵事以為其典
深之候梁武帝與沈
約徵事是也且書
之起當在此時故以此篇
為首

章附于逐目之後按唐志詢與令狐德棻袁朗趙智
行同修

古今刀劍錄一卷

右梁陶弘景撰記古今刀劍

古鏡記一卷

右宋詳撰人纂古鏡故事

六帖三十卷

右唐白居易撰凡天地事物分門類為對偶而不載
所出書曾祖父秘閣公為之注行于世世傳居易作
六帖以陶家餅數十各題名目置齋中命諸生採集

其事類投餅內倒取之抄錄成書故所記時代多無
次序云

記室新書三十卷

右唐李途撰采摭故事綴為偶儷之句分四百門途
為東川掌記因以名其書云

兔蘭策十卷

右唐虞世南撰奉王命纂古今事為四十八門皆偶
儷之語

至五代時行於民間村野以授學童故有遺下兔園策之語

戚苑英華十卷

右唐袁悅重修本楊名所著悅掇其要類為語對以

他說附益之

通典二百卷

右唐杜佑撰先是劉秩採經史自黃帝迄唐天寶末制度沿革廢置論議得失倣周禮六官法爲政典三十五篇房琯稱才過劉向佑以爲未盡因廣之參以新禮爲二百篇以食貨選舉職官禮樂刑法州郡邊防八門分類序載世推該洽凡三十六年成書德宗時上之

五代會要三十卷

右皇朝王溥等撰采梁至周典故纂次建隆初上之

節國朝會要十二卷

右皇朝章得象等天聖中被詔以國朝故事因革制度編次宋綬馮元李淑王舉正王洙同修得象監總慶曆四年書成上之凡一百五十卷范師道以其猥冗節其要以備檢閱

古城塚記二卷

右唐皇甫鑿撰記古城所築之人姓名初不及塚而名曰城塚記未知其說

太平總領五十卷

右皇朝李昉等撰太平興國中昉被詔纂經史故事

分門編次六帖初學記之類也

職林二十卷

右皇朝楊侃纂集歷代職官沿革之故蓋因通典職官門增廣而已

書林韻海一百卷

右不題撰人分門依韻纂經史雜事以備尋閱或云皇朝許冠所編

異號錄二十卷

右皇朝馬永易明叟編古今殊異名號如銅馬帝無愁天子之類頃嘗見近世人增廣其書名曰賓實錄

亦殊該博

硯譜二卷 又名北海公硯錄

右皇朝唐詢撰記硯之故事及其優劣以紅絲石為第一端石次之

古鼎記一卷

右唐吳協撰記古人鑄鼎本原及其形製

洽聞記三卷

右不題撰人分二十門雜記經史名數或題童子洽聞記云唐許塾撰

骨鯁集二十卷

右皇朝靖康初復修祖宗故事時人或集本朝諸公諫疏成此書

書敘指南二十卷

右皇朝任浚撰纂集古今文章碎語分門編次之凡二百餘類

歌詩押韻二十四卷

右皇朝楊咨撰哀集古今詩可以爲矩矱者編爲押韻

侍女小名錄一卷

右皇朝王銍纂序云大觀中居汝陰與洪炎玉父遊

讀陸魯望小名錄戲徵古今女侍名字因盡發所藏書籍纂集餘月而成焉

香譜一卷

右皇朝洪芻駒父撰集古今香法有鄭康成漢宮香南史小宗香真誥嬰香戚夫人追駕香唐員半千香所記甚該博然通典載歷代祀天用水沉香獨遺之何耶

荆楚歲時記一卷

右梁宗懔撰其序云傅玄之朝會杜駕之上巳安仁秋興之敘君道娛蜡之術其屬辭則已洽其比事則

未弼其率為小記以錄荆楚時風物故事自元日至
至除夕凡二十餘事

雜藝術類

古畫品錄一卷

右南齊謝赫撰言畫有六法分四品

續畫記一卷

右唐李嗣真撰補謝赫之闕不有古今畫人名一卷

後畫錄一卷

右唐僧彥悰撰品長安名畫凡二十七人

名畫獵精六卷

夫秋之來正壽之畫伯
樂之相馬甯戚之飯牛
曹孟之彈琴袁孝之
種蒲皆足以擅名天下
昔齊侯祀九丘而仲尼
賢惜棄良有以哉經
著大射投壺之禮蓋
正己養心之道存焉
頌之何如耳亦可直為
之藝而一切廢之故予
取射法畫評夾雜算
術博戲投壺相馬牛
等亦同次之為一類

右唐張彥遠纂記歷代畫工名姓自史皇以降至唐
朝及論畫法并裝背褫軸之式鑒別閱玩之方

書畫史二卷

右皇朝米芾元章撰輯本朝公卿士庶家藏法書名

畫論其優劣真偽

五代名畫補遺一卷

右皇朝劉道成纂符嘉應撰序云胡嶠嘗有梁朝名

畫錄因廣之故曰補遺

聖朝名畫評三卷

右皇朝劉道成纂符嘉應撰集本朝畫工之名世者

第其品以王瓘之爲神品云在吳生上

益州名畫錄三卷

右皇朝黃休復纂唐乾符初至宋乾德歲休復在蜀中目擊圖畫之精者五十八人品以四格云

射評要略一卷

右題曰李廣撰凡十五篇

嚴悟射訣一篇

右唐王思永撰思永學射法於成都工曹嚴悟成書十篇每篇首必稱師

木射圖一卷

右唐陸秉撰爲十五筭以代侯擊地毯以觸之筭節以朱墨字以貴賤之朱者仁義禮智信溫良恭儉讓墨者慢傲佞貪濫仁者勝濫者負而行一賞罰焉

投壺經一卷

右唐上官儀奉勅刪定史玄道續注采周顛郝同梁簡文數家書爲之唐志有其目

樗蒲經一卷樗蒲格一卷

右不題撰人序云樗蒲古之戲也劉毅李安民慕容寶之徒皆擲盧不聞餘采今以盧梟爲上雉犢次之

釣鰲圖一卷

右不題撰人凡四十類各有一詩

採珠局一卷

右不題撰人序云王公而不知其名凡三十餘類亦各有一詩

彈碁經一卷

右未詳撰人序稱世說曰魏武帝好彈碁宮中皆効之難得其局以粧奩之蓋形狀相類就蓋而彈之俗中因謂魏宮粧奩之戲按西京雜記云劉向作彈碁典論云前代馬合卿張公子皆工彈碁然則起於漢朝非自魏始世說誤矣

象碁經一卷其勢一卷

右皇朝尹洙撰凡五圖今世所行者不與焉

捉臥甕人事數一卷

右皇朝李庭中撰以畢卓嵇康劉伶阮孚山簡阮籍儀狄顏回屈原陶潛孔融陶侃張翰李白白樂天為即有趙昌言序

雙陸格一卷

右不題撰人其法左右十二梁設二朋朋各十五子一白一墨用明瓊二各以其采由右歸左子單則他子得擊兩子以上他子雖相當不得擊故武后夢雙

六不勝狄仁傑所以云無子也

益津射格一卷

右皇朝錢師益序以五善圖及武陵格疎密不同參酌為之

三國圖格一卷金龍戲格一卷打馬格一卷

旋棊格一卷

右不題撰人

漢官儀彩選一卷

右皇朝劉敞撰刪取西漢之官而附其列傳黜陟可戲笑者雜編之以為博奕之一物

忘憂集三卷

右皇朝劉紳甫編載唐韋延祐棊訣并古今棊圖

六問算法五卷

右皇朝龍受益撰并化零歌附

應用算法三卷

右皇朝蔣舜元撰

醫家類

黃帝素問二十四卷

右唐王砥注砥謂漢藝文志有黃帝內經十八卷素問即其經之九卷兼靈樞九卷迺其數焉先是第七

夫醫經之傳於世者多矣原百病之起痛者本乎氣帝辨百病之味性者本乎神鬼湯液則稱伊尹三人皆在聖人必慎世法若教者書

以帝法而世之君子不
察乃以為殘技而恥習
之由此故今稱醫者多
庸人治之失理以生為
死甚眾激者云云有
病不治常得中藥以良
其病乎故予歸醫不
厭詳補志以此書為
首今從之

亡逸砭時始獲乃詮次注釋凡八十一篇分二十四
卷今又亡刺法本論二篇砭自號啓玄子

黃帝八十一難經一卷

右秦越人撰吳呂廣注唐楊玄操演越人授桑君秘
術洞明醫道采黃帝內經精要之說凡八十一章編
次為十三類其理趣深遠非易了故名難經

補注神農本草二十卷

右皇朝掌禹錫等補注舊說本草經神農所作而藝
文志所不載平帝紀詔天下舉通知方術本草者本
草之名蓋起於此梁之錄載神農本草二卷書中有

後漢郡縣名蓋上世未著文字師學相傳至張機華
佗始為編述嘉祐初詔禹錫與林億蘇頌張洞等為
之補注以開寶本草及諸家參校采拾遺逸判定新
舊藥合一千八十二種總二十卷

圖經本草二十卷目錄一卷

右皇朝蘇頌等撰先是詔掌禹錫林億等六人重校
神農本草累年成書奏御又詔郡縣圖上所產藥本
用永徽故事重命編述於是頌再與禹錫等哀集眾
說類聚詮次各有條目云嘉祐六年上

脈經十卷

孫唐甘伯家名醫傳
曰辨和而善者身平人性
度沉靖情通經亦精
意診交尤好著述其
書纂岐伯華佗等
論脈要訣所成叙陰
陽表裡雜三部九候
人迎氣口神門條十二
經二十四氣奇經八脈五
臟六腑三焦四時之病
徵悉備具咸可採用
凡九十七篇皇相林億
等校正

凡一千一百四門天寶中
出守房陵及大寧郡
故以外世名其書孫
非以素問鍼經生
人不能起死人取灸而
不取鍼誠其為醫也

以藏子獨以其為

殷蜀人夫中加白叙中守
成都其家自有因史乳
死者訪州名殷或以殷
對敘中與之殷集備核
之約二百七十首以敘其
後周顯又作三論附于後

右晉王叔和撰纂岐伯華佗等論脈要訣

巢氏病源候論五卷

右隋巢元方等撰元方大業中被命與諸醫共論眾
病所起之源皇朝始陵時詔校本刻牘頒行宋綬為
序

外臺秘要方四十卷

右唐王燾撰燾之序云嘗得古方書數千百卷因述
諸病證候刪集方藥符禁鍼灸之法

本草廣義二十卷

右皇朝寇宗奭編以本草二部著撰之人或執用已

私失於商確併考諸家之說參之事實覈其情理證
其脫誤以成其書

天元玉策三十卷

右啓元子撰即唐王冰也書推五運六氣之變
產寶二卷

右偽蜀咎殷撰輯產乳備驗方藥二百七十八首

銅人腧穴鍼灸圖三卷

右皇朝王惟德撰仁宗嘗詔惟德考次鍼灸之法鑄
銅人為式分腑臟十二經旁注俞穴所會刻題其名
并為圖法并主療之術刻板傳于世夏竦為序明堂

明堂者以下教語皆在
明堂錄矣因修下

者謂雷公問道黃帝授之故名云

太醫局方十卷

右元豐中詔天下高手醫各以得効秘方進下太醫局驗試依方製藥嘗之仍摸本傳于世

沈存中良方十五卷

右皇朝沈括存中撰存中博學通醫術故類其經驗方成此書用者多驗或以蘇子瞻論醫藥雜說附之

靈苑方二十卷

右皇朝沈括存中編本朝士人如高若訥林億孫奇龐安常皆以善醫名世而存中尤善方書此中所載

多可用

博濟方五卷

右皇朝王袞撰

錢氏小兒方八卷

右皇朝錢乙仲陽撰神宗時擢太醫丞於書無所不窺它人靳靳守古獨度越縱舍卒與法合尤邃本草多識物理辨正闕誤最工療嬰孺病年八十二而終闔季忠方附于後

蘇沈良方十五卷

右皇朝沈括通醫學嘗集得効方成一書後人附益

以蘇軾醫藥雜說故曰蘇沈

南陽活人書二十卷

右皇朝朱肱撰序謂張長沙傷寒論其言雅奧非精於經絡不能曉會頃因投閑設為對問補苴綴緝僅成卷軸作於己巳成于戊子計九萬一千三百六十八字

神仙類

黃庭內景經一卷

右題大帝內書藏賜谷陰三十六章不載注人皆七言韻語梁丘子敘云扶桑大帝命賜谷神王傳魏夫

人一名東華玉篇黃者二儀正色庭者四方之中近取諸身以脾為主故曰黃庭

黃庭外景經一卷

右敘謂老子所作元陽子注分上中下三篇亦皆七言韻語元陽子不詳其人

老君內觀經一卷

右凡十二章首皆云老君曰其言皆修心鍊神之法

真誥七卷

右梁陶弘景撰皆真人口受之誥故以為名記許邁許謚楊羲諸仙受道之說

本上卷運點一象甄
二命授三協昌期四稽
神樞五握真輔六翼
真檢七汝人折第一第二
第四各為上下

參同契三卷

右漢魏伯陽撰按神仙傳伯陽會稽上虞人通貫詩律文辭贈博修真養志約周易作此書凡九十篇徐氏箋注桓帝時以授同郡淳于叔通因行于世彭曉爲之解隋唐書目皆不載按唐陸德明解易字云虞翻注參同契言字從日下月今此書有日月爲易之文則其爲古書明矣

坐忘論一卷

右唐司馬承禎字子微撰凡七篇其後有文元公跋謂子微之所謂坐忘卽釋氏之言宴坐也

肇論四卷

右姚秦僧洪肇撰師羅什規模莊周之言以著此書物不遷不真空涅槃無知般若無名四論傳燈錄云肇後爲姚興所殺高僧傳不載其事

天隱子一卷

右唐司馬子微爲之序云天隱子不知何許人著書八篇修鍊形氣養和心靈歸根契於伯陽遺照齊乎莊叟殆非人間所能力學者也王古以天隱子卽子微也一本有三宮法附于後

玄聖遺廬二卷

右唐李繁撰繁學於江西僧道敬宗時嘗與丁公著陸巨入殿中抗佛老講論唐虞愈稱其家多書一覽終身不忘太和中舒元興誣其濫殺不辜繫獄知且死著書十六篇以明禪理自謂臨死生而不懼賢於顏回在陋巷不改其樂嗚呼可謂賢矣而史載其平生行事甚醜獨何歟

廣弘明集三十卷

右唐僧釋道宣撰道宣麟德初居西明寺以中原自周魏以來重老輕佛因採輯自古文章下逮齊隋發明其道者以廣僧祐之書分歸正辨惑佛德法義僧

行慈惻誠功啓福滅罪統歸等十門

別集類

揚雄集三卷

右漢揚雄子雲也古無雄集皇朝譚愈好雄文患其散在諸篇籍離而不屬因綴輯之得四十餘篇

陰鏗集一卷

右陳陰鏗字子堅幼聰慧五歲能誦詩賦日千言及長博涉史傳尤善五言詩徐陵言之於世祖使賦安樂宮援筆立成累遷散騎常侍有集三卷隋志已亡其二今所存者十數詩而已杜少陵嘗贈李太白詩

首云李侯有佳句往往似陰鏗今觀斯集白蓋過之遠矣甫之慎許可乃如此

吳筠宗元先生集十卷

右唐吳筠撰前有權德輿序筠字貞節華陰人生十五年隱於南陽天寶初召至京師請爲道士居嵩山已有勅待詔翰林筠知祿山將亂求還茅山許之乃東遊會稽往來天台剡中與李白孔巢父酬唱大曆中卒弟子謚爲宗元先生筠通經義美文辭性高颯其待詔翰林也特承恩顧高力士素奉佛嘗短筠於帝故筠所著文賦深詆釋氏頗爲通人所譏云

陳黯文集三卷

右唐陳黯撰黯字希孺潁川人十歲能詩十三袖文謁清源牧牧面令賦詩頗稱賞之由是一時聲名大振會昌初就鄉薦至禮部輒罷歸咸通中卒有羅隱黃滔序

令狐楚表奏十卷

右唐令狐楚字殼士撰楚相憲宗爲文善於牋奏自爲序云登科後爲桂并四府從事掌牋奏者十三年始遷御史綴其藁得一百九十三篇自號白雲孺子

胡笳十八拍一卷

右唐劉商撰漢蔡邕女琰爲胡騎所掠因胡人吹蘆葉以爲歌遂翻爲琴曲其辭古淡商因擬之序琰事盛行一時商彭城人擢進士第歷臺省爲郎好道術隱義興胡父渚世傳其仙去

鼎國詩三卷

右後唐李雄撰雄洛鞏人莊宗同光甲申歲遊金陵成都鄴下各爲咏古詩三十章以三國鼎峙故曰鼎國

孫晟文集三卷

右南唐孫晟字鳳密州人好學有文辭尤長於詩少

爲道士常畫賈島像置于屋壁晨夕事之後乃儒服謁唐莊宗于鎮州莊宗以爲著作佐郎天成中奔于吳李昇父子用之爲相周世宗征淮璟懼遣晟奉表求和世宗召問江南事不對殺之璟聞贈魯國公

吳越掌記集一卷

右唐羅隱掌錢鏐記室所著表啟也

神宗皇帝御集二百卷

右本朝神宗皇帝撰章惇等纂紹聖初以元祐中所集止九百四十三道有旨命惇再加編次至元符中書成比元祐所編增多八千七百三十道分文辭政

事邊機三門言者仍以元祐之臣託以邊機不宜洩露掩沒先帝盛美於是徧以賜羣臣云

范魯公集三十卷

右皇朝范質字文素大名人後唐長興中舉進士時和凝典貢舉覽質程文器之自以登第名在十三卽以其數處質舉子謂之傳衣鉢晉天福中爲翰林學士周廣順初拜相太祖受禪加兼侍中乾德二年始罷爲太子太傅卒年五十四將終戒其子曼勿請諡勿刻墓碑質力學強記好聚書旣登朝猶手不釋卷國史載其示從子詩家書自序薦呂餘慶趙普表三

篇

張師黯集五十卷

右皇朝張洎字師黯滁州人仕李煜知制誥中書舍人歸朝爲史館修撰翰林學士淳化中參知政事至道二年卒洎風神洒落文辭清麗通釋氏學然性險詖而諂附集有吳淑序其子安期所編咸平五年上之

晁文元道院集要三卷

右皇朝王古編其序云文元晁公博觀內書不徒力行復勤於譔述以開導後學其書曰道院別集曰自

擇增修百法曰法藏碎金曰隨因記述曰耄智餘書
余嘗徧閱之以爲名理之妙雖白樂天不迨也輒刪
去重複總集精粹以便觀覽云古元祐中侍從

田表聖咸平集五十卷

右皇朝田錫字表聖其先京兆人唐末徙于蜀國初
與胡旦何士宗齊名中興國三年進士第歷相臺桐
廬淮陽海陵四郡守知制誥終於諫議大夫范仲淹
司馬光讀其書皆稱其直諫蘇軾亦以比賈誼云

李仲方集二十卷

右皇朝李維字仲方雍熙二年進士景德中知制誥
遷中書舍人爲翰林學士承旨年七十維以文學
進至老手不釋卷能詩嗜酒嘗謂人曰人生詩酒足
則尚何營哉

民士編一十九卷

右皇朝陳克擴充成都人雍熙中擢甲科仕至刑部
郎中知祥符六年貢舉卒年七十詞學典瞻性曠達
善談謔澹於榮利自號中庸子民士云者蓋其未仕
已仕前後所著文也嘗以唐牛僧孺善惡無餘論爲
害教著書反之國史稱焉今集載其論兩篇

張晦之集二十卷

右皇朝張景字晦之少師事柳開學爲古文名震一時卒官至廷評年四十九集有文百九十三首禹偁所編并爲之序

姚鉉文集二十卷

右皇朝姚鉉字寶臣廬州合肥人中進士甲科文辭敏麗淳化中直史館應制賦賞花釣魚詩特被嘉賞翌日命中使就第賜白金褒獎之累遷兩浙轉運使鉉雋爽尚氣薛映知杭州與之不協中以危法除其名卒年五十三

宋元憲集卷四
姚中集二十卷 一作溪中集

右皇朝宋庠字公序開封雍丘人天聖中擢進士第一入翰林爲學士皇祐元年拜相嘉祐中復爲樞密使封莒國公以司空致仕初名郊字伯庠御史言其姓符國號名應郊天乃改今名遺命子孫不得以其文集流傳

韓持國詩三卷

右皇朝韓維字持國億之子也元豐中入翰林爲學士遷承旨哲宗初載拜門下侍郎與其兄子華玉汝俱位宰相持國最能詩世傳其醜醜絕句它多稱是
范子功集五十卷

右皇朝范百祿字子功鎮之姪也終于中書侍郎

晁氏具次集三卷

右先君子詩集也呂本中以為江西宗派曾慥亦稱公早受知陳無已從兄以道嘗謂公宗族中最才華喻汝礪序其詩云予嘗從叔用商近朝人物嘉言善行朝章國典禮文損益靡不貫洽由叔用之學而達諸廊廟溫厚足以代言淵博足以顧問則以詩鳴者是豈叔用之志也哉雖然叔用既已油然棲志於林間曠遠之中遇事寫物形於興屬淵雅疎亮未嘗為悽怨危憤之音予於是見叔用於消長用舍之

際未嘗不安而樂之者也嗟乎所謂含章內奧而深於道者非耶秦漢以來士有抱奇懷能畱落不遇往往操心汗筆有怨誹沈抑之思氣候急刻不能開遠古之詞人皆是也所以往往無所建立於天下唯深於道者遺於世而不怨發於詞而不怒君子是以知其必能有為於世者也嗟乎吾於叔用豈直以詩人命之哉

岷山百境詩二卷

右皇朝王家字道輔少有能詩名世謂其詩初若不經意然遣詞屬意清靡絕人自號南陔居士宣和中

以狂譎被譖伏誅

楊天隱詩十卷

右皇朝楊恬字天隱潼川人

許表民詩十卷

右皇朝許彥國字表民青社人周邦彥稱其寬平優游中極物情惜乎畱落不偶故世人知之或寡也

滿民昌邑集二十卷

右皇朝滿中行字思復登進士第元豐中爲太學官虞蕃獄起思復獨不結吏議詔褒之

元氏集三卷

右皇朝元絳字厚之杭州人鑠廳中進士第爲翰林學士叅知政事絳立朝無特操晚入翰林諂事王安石及其子弟時論鄙之工文辭爲流輩所推許卒年七十六諡章簡

馮允南集十卷

右皇朝馮山字允南普州人鄧綰爲中丞薦爲臺官允南力辭不就士論稱之

希白詩三卷

右皇朝僧希白撰張逸序之云希白能詩與宋白梁周翰張詠而下十數公相友善其格律不減齊已云

邵氏集二十卷

右皇朝邵溥字澤民進士第靖康初為戶部侍郎上踐祚以例貶官紹興中復待制宣撫川陝師事崇福十二父詩文早有能聲

總集類

雜文章一卷

右孫巨源得之於秘閣載宋玉等賦頌五十八篇景迂生元豐甲子以李公擇本校正後有劉大經田為王雲李端唐君益諸公題跋
唐賦二十卷

右唐科舉之文也蕭穎士裴度白居易薛逢陸龜蒙之作皆在焉

東漢文類三十卷

右五代寶儼編

唐文類三十卷

右皇朝陶叔獻編

唐漢策要十卷

右皇朝陶叔獻編

綸言集一百卷

右或編國朝制冊詔誥成此書以其皆王言也故以

爲名

高麗詩三卷

右元豐中高麗遣崔思齊李子威高琥康壽平李穗入貢。上元宴之於東闕之下。神宗製詩賜館伴畢。仲行仲行與五人者及兩府皆和進。其後使人金榜朴黃亮裴。李絳孫盧柳金化珍等塗中酬唱七十餘篇。自編之爲西上雜詠。絳孫爲之序。

太平盛典二十三卷

右或編政和間制誥表章多有可觀者。

文說類

金針詩格三卷

右唐白居易撰。居易自謂與劉禹錫元稹皆以詩知名。撮詩之體要爲一格。病得針而愈。詩亦猶是也。故曰金針集。

續金針詩格一卷

右皇朝梅堯臣聖俞撰。聖俞遊廬山宿西林。與僧希白談詩。因廣樂天所述云。

杜詩刊誤一卷

右皇朝王仲至撰。

韓柳文章譜三卷

右皇朝黃大輿撰大輿之意以爲文章有莊老之異故取韓愈柳宗元文章爲三譜其一取其詩文中官次年月可攷者次第先後著其初晚之異也其一悉取其詩文比敘之其一系列當時君相於上以見二人之出處極爲詳悉

天廚禁鬱三卷

右皇朝釋惠洪撰論諸家詩格

三十三種已見附志今不重刊開書目如后

石經周易十卷周易指畧例一卷

石經尚書十三卷

石經毛詩二十卷

石經周禮十二卷

石經禮記二十卷

石經左氏傳三十卷

石經公羊傳十二卷

石經穀梁傳十二卷

春秋穀梁疏十二卷

石經論語十卷

石經孟子十四卷

韓李論語筆解十卷

疑孟一卷

仁宗政要四十卷

神宗聖訓二十卷

東漢刊誤一卷

長安志十卷

列女傳八卷續一卷

百將傳十卷

三朝國朝會要一百卷

聾隅子十卷

鸞子十卷

御注老子二卷

列子釋文二卷

孔叢子七卷

劉子三卷

御製聖濟經十卷

度人經三卷

四十二章經一卷

神仙可學論一卷

蔡邕獨斷二卷

花藥夫人詩一卷

華陽集一百卷

二種見

平泉草木記一卷已載李衛公集中

牡丹記一卷已載歐陽公集中

一種刪去

百中經三卷

二本四卷考異

三種書同而名異

袁本毗陵易傳十一卷 衢本作東坡易傳

袁本芸閣先生易解一卷 衢本作呂氏章

袁本陳叔易詩一卷 衢本作澗上丈人詩

二十一種所載人類不同

晁以道易玄星紀譜一卷

左氏綱領四卷

左氏蒙求三卷

押韻一卷

漁樵問對一卷

程氏雜說一卷

儒言一卷

信聞記一卷

以上袁本經類 衢本子類

古樂府十卷

樂府古題要解十卷

玉臺新咏十卷

玉臺後集十卷

以上袁本經類 衢本集類

松牕錄一卷

太和辨謗畧三卷

以上袁本史類 衢本集類

神仙傳十卷

王氏神仙傳四卷

高僧傳二卷

求法高僧傳十卷

僧寶傳三十二卷

以上袁本子類 衢本史類

馭臣鑒古二十卷

汲古論一卷

以上袁本集類 衢本子類

二十九種袁本所載 衢本所遺

六家經要四卷

淳化法帖十卷

武陵法帖二十二卷

王曾筆錄一卷

英宗朝諸臣列傳三卷

本朝事實三十卷

青唐錄二卷

忠臣逆臣傳三卷

藝文志見闕書目一卷

酒經三卷

晉公談錄一卷

該聞錄十卷

漫叟見聞錄一卷

劉辣小說五卷

左氏要類

職林二十卷

骨鯁集二十卷

蘇沈良方十五卷

維摩詰所說經三卷

六祖壇經二卷

修已金剛經旨要一卷

錦囊集一卷

員半千三蓮集二十卷

余氏至言十八卷

藏寂軒文集

趙延持盈要論

聖紹堯章集十卷

藝圃折衷六卷

政和文選二十卷

二本四卷考異

昭德先生三榮郡齋讀書
志四卷既刊傳矣趙希弁
君錫繼從郡員外司馬帑
轄蔡廉父得三衢本參校
爲後志二卷以補其缺蓋
晁氏舊藏之書也合南陽
所畀與夫君錫附志爲七
卷今書之傳于世者固已
十之六七然寡陋而未見
宜尚多焉後之君子增益

之淳祐庚戌小至二日番
陽黎安朝謹識

昭德晁公侍郎僑居蜀嘉定之峩眉平生著書有易詩書春秋解考其異同甚詳又作讀書志皆鈔版大父及嚴君喜藏書在嘉定時嘗摹而藏之及南來不能悉與俱今併他所藏燬矣讀書志偶在篋中鈞謹刻置信安郡齋不惟使晁氏平生之功得不泯沒而

觀者按其目而訪求之庶
亦可使古書之不泯云淳

祐已酉夏五郡守南克游

鈞書



二十二日校積雨初晴為之大快 鱣

此陳簡莊徽君所校衛是年也時是年尚未經吳
門顧澗菴諸公校刊當日珍為秘笈徽君假得此書
故重燭手勘急於校事以此惜卷中愈條間有脫落支

當於干戈寧靜之後另覓利本補正之

同治二年癸亥清和上浣世多初... 臨校於...
館之勢度時年二十有六



